



საქართველო
თბილისი

საპოლიტიკო, სამეცნიერო და სალიტერატურო ნახატებიანი გაზეთი გამოდის ყოველ კვირა დღეს.

№ 25

ი მ ნ ი ს ი 20 1899 წ.

№ 25

შინაარსი: რომანტიზმი ნ. უორდანიასი. — სხვა-და-სხვა ამბები. — „კვალის“ კორესპონდენციები. — საზღვარ გარეთ. — საგულისხმო ციფრები. — წერა-კითხვის საზოგ. უკანასკნელი კრების გამოკვ. გოგოლაძისა. — „ოლონდაც“ პატარა ამბავი (შემდეგ) — სოფ. აკეთის წიგნთ-საცავის შესახებ ა. გეგუქორიასი — წერილები რედაქციის მიმართ. — კვალის ფოსტა.

რედაქციის ადრესი: არტილერიის ქუჩა № 5, იმის პირდაპირ, სადაც წინეთ რედაქცია იმყოფებოდა.



რომანტიზმი.


საქართველოს მომავალი ისტორიკოსი, უეჭველია, მთელ ჩვენ დღევანდელ საზოგადო აზროვნებას ერთათ ერთი სიტყვით დაახასიათებს — რომანტიული ე. ი. ისეთი, რომელიც ერთიანათ გრძნობაზე, სიმპათია-ანტიპათიაზე არის აგებული და არა საქმის ცოდნაზე და კრიტიკულ აწონ-დაწონაზე. და მართლაც, ჩვენ ახალ ცხოვრებაში (მე-60 წლების მერე) კრიტიკა არასოდეს არ ყოფილა ისე ყბადაღებული და ფეხ-ქვეშ გათელილი, როგორათაც დღეს არის. მიუდგომელი მსჯელობა, პირდაპირი მოსაზრება, გულ-წრფელი მოქმედება მეტი ბარგი შეიქმნა. საზოგადოებამ შეიმუშავა ფიქრის ერთნაირი წესი, აზროვნების ერთნაირი საზომი და ამას არაერთარ შემთხვევაში არ ცილდება. ეს მან ჩვეულებათ გადააქცია, ხელშეუხებელ წმიდათა-წმიდათ დაისახა და ასე გამეფდა ერთგვარი, ერთფერი და უსიცოცხლო გო-

ნებრივი აღებ-მიცემობა. ახალგაზდა ფიქრობს ისე როგორც მოხუცი; ერთი ფიქრობს ისე როგორც ასი და ათასი. გონება ჩაისვა მტკიცეთ განსაზღვრულ ჩარჩოში, ადამიანის სული მოიმწყვდა ოთხივე მხრით აღმართულ ზღუდეებში და აქეთ-იქით გადაქან-გადმოქანება, თავისუფლათ შეთამაშ-შამოთამაშება მომაკვდინებელ ცოდვათ გამოცხადდა. რაც უფრო ნაკლებ იქონიებ თავის აზრს და სხვის უაზრობას შეითვისებს, რაც ნაკლებ ილაპარაკებ და სხვის ფეხის ხმას აყვები, მით უფრო სახელოვანი და სანატრელი „მოღვაწე“ ხდები. შენთვის ღიაა ყველას კარები, შენზე ლაპარაკობენ მოწიწებით, შენ გათეთრებენ ხეფუნა-ვედრებით. და ეს ასეც უნდა იყოს. შენ ხარ მხოლოთ ერთი წვერი იმ ერთფეროვანი ხალხის, რომელიც ყოველივე ახალს, სხვადასხვაობას და შეჯახ-შემოჯახებას უფროთხის და ერიდება. ის მისდევს მხოლოთ ჩვეულებას, რუტინას და ის, ვინც დადის ისე, როგორც ყველა, ამბობს და საქმობს ისე როგორც ყველა, რასაკვირველია, ნამდვილი ბუნებრივი მატარებელია ამ ძვირფასი სამკაულის. და ეს არც საძნელო ხელობაა. ამას არც დიდი შრომა უნდა და არც განსაკუთრებული ნიჭი და გამჭრიახობა. „ბალიალობა“, „კი ბატონობა“ და თავის ქნევა—

განა ამისათვის საჭიროა თავის შეწუხება, რაიმე ბრძოლა, რაიმე გონებრივი და ან ზნეობრივი განვითარება? სრულიადაც არა და სწორეთ ამიტომ არის, რომ მას ასე ვებღაუჭებთ და ეს ბატონ-ყმური თვისებები სამდროეო თვისებებთან გამოგვაქვს. ბატონ-ყმობა მართალია, კაი ხანია მოისპო, მარა მოისპო ის გარეგნობით, ხოლო ჩვენი შინაგანი სულიერი წყობილება დღესაც ბატონ-ყმური გრძნობებით არის გაქდენილი, მხოლოდ სხვა სახით კი. დღეს ჩვენ გონებას, ჩვენ გრძნობას, და ზნეობას ჩვენვე უყუენებთ უფროსს, მბრძანებელს, ბატონს და ჩვენვე ნებით მის ყურ მოკრილ მონათ ეხდებით. ამ გონებრივ დეარდნას, ამ ზნეობრივ გათახსირებას ერთხელ კიდევაც ვიხილეთ, მასზე ვდრტვინავდით, ნაკლულევანებათ აღვიარებდით, მარა ახლა კი ყველა ამას შევეწყვეთ, შევითვისეთ და ბოლოს მის დაცვასაც შევეუდქეთ. დავამაგროთ ის, რაც გვაქვს, რათ გვიდა ახალია—აი, რა გაისმის აქა იქ. და მერე რა გვაქვს? რა და არარაობა—მაშ დავიცვათ იგი! რა უნდა მოგვეცეს ახალმა? რა და ყველაფერი—მაშ უარყვით იგი! აი რას, ქადაგებენ ჩვენი მესვეურნი და ამასვე იმეორებენ მათი ამჟოლნი. ამათთვის ეს არის ხელსაყრელი და კიდევაც იტყვენ. ხელსაყრელია იმითომ, რომ ამ საერთო არარაობაში მხოლოდ ესენი მოჩანან დევ-გმირებათ, მხოლოდ ამათ ხედვენ და-ჩოქილნი და მოკრძალებით თაყვანსა სცემენ. ბოლოს ამათაც დაიჯერეს, უთუოთ ჩვენ უნდა ვიყოთ ბურჯნი ამა ქვეყნისა, და კმაყოფილებით აღსაყვ ყოველივე ცვლილებას წინ ეღობებიან. ცვლილება—ეს მომავალია, მომავალში ვინ სად მოექცევა—ეს ღმერთმა უწყის და ამიტომაც კმაყოფილთ თავის საქმე სახათბალოთ არ უნდა გაიხადონ და ისევ საზოგადო არარაობის მებაირალტრეთ რჩებიან.

ამის ერთი საუკეთესო ნიმუში წერა-კითხვის გამავრცელებელი საზოგადოებაა. ვინც მის უკანასკნელ კრებას დაესწრო, მისთვის ცხადია, თუ ვინ არიან ეს კმაყოფილნი და მათი ამჟოლ-დამჟოლნი. გამგეობა, საქმის საკეთებლათ არჩეული, ამტკიცებს რომ საქმის კეთება არ შეიძლება და ჩვენ ისე გულხელ დაკრფილი უნდა ვისხდეთო; ხოლო თუ კრიტიკულათ მოგვეპყარით საქმეს მთლათ დეანებებთ თავს და ჩვენ-ჩვენდა წავალთო! საქმიანობის და კრიტიკის უარისყოფა—აი, რის მოციქულათ გამოვიდა გამგეობა და კრებაც ყურ-მოკრილათ მას დაეთანხმა. და ეს მისი „ბალიალობა“ განა საქმის ცოდნისაგან მომდინარეობს? რასაკვირველია, არა, წერა-კითხვის გავრცელება რომ უსკალოთ და უბიბლიოთეკოთ არ შეიძლება—ეს ყველამ იცის მის-მისდა, ცალ-ცალკე, მარა როგორც კი ერთათ თავს მოიყრიან და

გამგეობას დაუპირდაპირდებიან—ეს ცოდნაც სადღაცა ქრება და მის ალაგას ერთხელ აჩემებულ პირთა ყმობა და თაყვანისცემა დგება. ის იმას კი არ უყურებს, საქმეს რა აენებს და რა არა, იმის საზრუნავია მხოლოდ ის, თუ რით ასიამოვნოს, რით თანაუგრძნოს მის საყვარელ პირს და თუნდაც ამან მთელი საქმე უკულმა ატრიალოს, ოდნავათაც ეს არ ეტოშება და კითხვითი ნიშანი არ წამოცდება. და ასე საქმის ბედობლის გადამწყვეტი ხდება არა სიყვარული საქმისადმი, არამედ სიყვარული ამოჩემებული პირისადმი. აქ კრიტიკა, მსჯელობა არ არსებობს, აქ არის ერთათ ერთი სიმპატია-ანტიპატია და საზოგადო მოღვაწეობაც ამ საზომით იზომება. მოწონს პეტრე ან ივანე—მაშასადამე მათი წასული და მომავალი მოქმედებაც მოსაწონია. და რა საბუთიც უნდა წამოუყენო, რა თვალ-საჩინოთაც უნდა დაუმტკიცო ამ მოქმედების მანებლობა—იმას მაინც არაფერი ესმის, ის ვერას ხედავს, ის გაიძახის მხოლოდ იმას, რა აზრიც ერთხელ შეუდგენია. ეს ერთ ნაირათ ცრუ მორწმუნეობაა და მისი ადამიანისაგან ამოგლეჯა დიდათ საძნელოა. რაც უნდა უქადაგოთ სიფლის დედა-ბერს, დედა-მიწა ცის სიერცეშია და მზის გარემომოტრიალებსო, ის მაინც არ დაიჯერებს, ის ყოველთვის თავისას გაიმეორებს: დედამიწა გველეშაპზეა დაყრდნობილი და მაშინ შეინძრევა, როცა ეს ცხოველი კუდს გააქანებსო. და თუ მაინც არ მოეშვი, მთელ იმ კუთხეში ურწმუნოს სახელი დაგივარდება. ასეთია ჩვენი ქალაქის „მოღვაწენიც“. მართალია იმათ აღარ ჯერათ, დედამიწა გველეშაპზე დგასო, ეს ერთობ ძალიან დაძველდა, სამაგიეროთ მათ კიდევ სჯერათ, რომ ეს ჩვენი საქართველო ერთიორი კაცის ბეჭებზეა დაყრდნობილიო. ვინც ამაში ექვს შეიტანს და კრიტიკულათ შეხედავს, სიფლის დედაბერივით ერთ ალიაქოთს ასტებს: შეხედეთ, აი, რა ურწმუნო და მოღალატე ყოფილაო! ახლა ერთი მითხარით, არის რამე განსხვავება ამ ორ ცრუ მორწმუნეთა შორის? თუ არის—ეს ისევ ის, რომ პირველის ცრუმორწმუნეობა გაცილებით უფრო მაგრე და საზოგადოების გამათახსირებელია, ვინემ მეორის. ეს უკანასკნელი ცხოვრებს თავისთვის, არც ვინმეს აწუხებს და არც მოღვაწეობას ეპოტინება. ხოლო პირველი კი თავის თავით არ კმაყოფილდება, ის მოღვაწეობს... თავის მცნებას გულმოდგინეთ ავრცელებს, შეაქვს იქ, სადაც ჯერ არ არის და მით საერთო-მოძრაობას აფერხებს. აი, ასეთი ცრუმორწმუნე ხალხით არის საყვარელი ყველა ჩვენი საზოგადო დაწესებულება და ამიტომაც არის, რომ ყველა ეს სულს დაფავს. და რაღა მართო დაწესებულება. მთელი ჩვენი




მოქმედება და აზროვნება ამ საძირკველზეა აგებული. მაგ. ჩვენებური მამულიშვილობა მხოლოდ ერთი რომანტული მამულიშვილობაა და არაერთი კავშირი არ აქვს თანამედროვე რეალურ მამულიშვილობასთან. ის მომდინარეობს მხოლოდ გრძობებისაგან და არა სამშობლოს ყოველმხრივი შესწავლის, მისი საჭიროების გამორკვევის და გაგებისაგან. სამშობლოს ერთი კუთხე თუ გინდა მთლად დაანგრე, ოღონდ თან კი დაატანე სამშობლო მიყვარსო და თქვენც ყოველივე გეპატივბათ. განა ეს არ არის ცრუმორწმუნეობა—ცრუმორწმუნეობა საქმის შეუგნებლობისაგან წარმომდგარი? პატრიოტის სახელი დღეს სწორედ იმას უფრო აქვს, ვინც თავის და სხვის ქონებას მიანგრ-მოანგრევს, ას და ორას მიარბევ-მოარბევს და ბოლოს არხენათ საიქიოსკენ გაემგზავრება. და ეს მერე რატომ? იმიტომ რომ ჩვენში სიტყვას შეტი გასავალი აქვს, ვინემ საქმეს. ილაპარაკეთ საქმეზე, ჩვენი ქვეყნის ქირ-ეარამზე, მონღოთ ახალი ცხოვრების დამყარება, ერის წელში გამავრება, უფარგეს ურთიერთობის უარსყოფა, უმრავლესობის ინტერესებისთვის ბრძოლა და სხ. და თქვენ მამულის შვილობას საეკვით გამოაცხადებენ. რატომ? იმიტომ რომ თქვენ საქმეს სიტყვაზე წინ აყენებთ, მამულის განახლებას თქვენ საქმით ცდილობთ და არა სიტყვით, მამულის სიყვარული თქვენ რეალურ პირობაზე გსურთ აგოთ და არა მარტო გრძობებზე... დიხ, ჩვენებური პატრიოტობა არის პატრიოტობა რომანტიული; მხოლოდ მაშინ, როცა ის ჩვენი ქვეყნის აწინდელ მდგომარეობის შესწავლაზე, მისი გზა-კვალის გათვალისწინებაზე და მომავლისთვის ბრძოლაზე იქნება დაყრდნობილი, აი, მაშინ ის შეიქმნება რეალური. მაშინ წინ წამოდგება ცოდნა, შეგნება, თვით-ცნობიერება, მუშაობა და უშინაარსო სიმპატია-ანტიპატია, ცარიელი გრძობიერობა უკან დადგება...

იმავე მოვლენას ვხედავთ მწერლობაშიაც. აქაც ჯერ-ჯერობათ უბრალო სურვილები და ნატურა გაბატონებული. კარგი მწერალი ის არის, ვინც იმდენს მოახერხებს, რომ ბევრი ილაპარაკოს და არაფერი თქვას. საქმის ძირიანათ გაშინჯვა, კუთხვის გამორკვევა, მიუდგომელი მსჯავრის დადება—ამას არც მკითხველი ითხოვს და არც მწერალი მისდევს. ლიტერატურის უშინაარსობამ და ფრაზებმა მკითხველში აღზარდა შესაფერი გემოვნება, გამოიწვია შესაფერი მოთხოვნები და ამის ხელმეორედ გარდაქმნას გძელი დრო უნდა. მწერლობამ მას მიაწოდა ორი საგანი: ან ვინმეს უზომო ქება დიდება და ან უზომო ლანძღვა-გინება. არც ერთი ეს, რასაკვირველია, საგნის ცოდნაზე არ არის აშენებული. აქ

უბრალო მოწონება-დაწუნება წყვეტს ნაწარმოების „მიმართულებას“. ვისაც, რადაც მიზეზის გამო, კეთილის თვლით უცქერი—იმან რამდენი სისულელეც უნდა წამოროშოს, მაინც დიდი ფილოსოფოსი ჰკონიათ; და თუ ვინმე ათვალწუნეთ—იმას აღარ დაედგამება თქვენ სიხლოვეს, იმის ოქროც სპილენძით გეჩვენებათ და სათნოება ბოროტებათ. ამ ჯურის, უკაცრავათ პასუხია, პუბლიცისტები თან და თან მრავლდებიან და ლამის არის გადაყრუონ მთელი საქართველო. ამათ რომ ჰკითხოთ, რა განძრევთ, რამ აგიტაცათ, რა საბუთი გაქვთ ან ქების და ან ძაგების—პასუხს ვერ მიიღებთ და თუ მიიღებთ უთუოთ აბნეულს, დაულაგებელს, რადგანაც თვითონაც არ იციან რას შერებიან და ან რა უნდა ქმნან. მაგალითი შორს არ არის. აგერ ერთი წელია „ივერის“ ფურცლებზე ერთი ლანძღვის კორიანტელია აყენებული თქვენი უმორჩილესი მონის წინააღმდეგ, მარა არსად არც ერთი საბუთი, არც ერთი წერილის გარჩევა და სერიოზული აწინ-დაწინა. ცხადია, გაზეთს არ მოსწონს ის, რასაც ჩვენ ვადგივართ, ხოლო რატომ არ მოწონს, რას შეიცავს დასაწუნს—ეს მან არ იციან, ამის ანგარიში თავისთვის არ მიუცია, ეს ვერ შეუგნია და ამიტომ თავის უკმაყოფილებას გინებით ხატავს. 1) სწორედ ასე ჩადის სოფლის დედა-ბერი, რომელმაც სადღაც გაიგონა, დედა-მიწა მოძრაობსო, ამას ვერას გზით ვერ ურიგდება და იწყევლება, დამიდგეს ყური, რა საშინელება მოიგონა იმ სინსილა გასაწყვეტმაო. ერთი სიტყვით, პუბლიცისტიკა დამყარებულია პირად გრძობაზე, სიმპატია-ანტიპატიაზე. აქ ან უბრალო სურვილებია გამოფენილი, ან და ერთის ქება და მეორის გინება. სალაპარაკო საგნის შესწავლა და მსჯელობის ცოდნაზე აგება უარყოფილია.

ეგვევ მეორდება მწერლობის სხვა დარგშიაც,


1) „ვას“ და „იმე-გაგნუბულს“ შექმნა დიდი ხნის ქადაგების მოუპოვებია ერთი ერთი მიმდევარი; ეს არის „მოსკოველი ვასკი“, ვილან კვალაშვილი. მოსკოველი ვასკების თვისებაა ვაი სხნა გავკამინო ოსტროვსკიმ. ისინი, როგორც მოგესხეხებათ; ერთთავათ ილა-ნიძეებან, იბღვირებან, ოჯახში ჩაცან-ტუტას აყენებენ და ვინც ეპადაზე უფრო გამოიღანძებან (სიტყვას სომ აწავინ უბრუნებს) ბურთი და მოქალაქე მას წიხება. „ივერის“ „მოსკოველ ვასკას“ უფიქრია, სწორედ ის არის უდიდესი მწერალი, ვინც უდიდესთ გამოიღანძებან და ეს უმასუსოთაც დაწიხება. და ვილანს სჯარათ გამო-ურსადებია ეს ოსტროვსკის „აგნუბების“ კრიტიკული აგ-ლა-დიდება. დიხ, ამ უკვდავ მწერალს 1899 წლის „მოსკოველი ვასკის“ სახეში ყოლია, როცა მიესეს წერდა.



მაგ. ისტორიულ ნაწარმოებში. თქვენ მოგწონთ წასული ან მთლათ ერთიანათ და ან განსაკუთრებით მისი ერთი ეპოქა. ადგებით და წერთ „ისტორიას“. და ეს მხოლოდ ერთი პანიგირიკაა, ერთი გაუთავებელი ქებათა-ქებაა ყოველისავე თავისის ღ ლაფში ამოსერა ყოველისავე სხვისი. ან და შეიძლება წარსული ან მისი ერთი ხანა არ მოგწონთ, რაღაც მიზეზის გამო საკუთარი ისტორია შეიძულეთ. და, აი, ამ თქვენი გრძნობის გამოსაცხადებლათ წერთ „ისტორიას“, ფეხ-ქვეშ იგდებთ ყოველსავე თავისას და ცამდის აგყავთ ყოველივე სხვისი, ამცირებთ ერთს, ამალღობთ მეორეს... აქაც იგივე დაბრძანება, თავის ენებების აყოლაა, როგორც პირველ შემთხვევაში. სამაგიეროთ, ისტორიის ცოდნა, მიუდგომელი სჯა-ბაასი, უტყუარი შეხედულება ორივესგან აბუჩათ აღებულება. ისტორიას იქით აბრუნებენ, საითკენაც მათი გრძნობა უბრძანებს, ფაქტებს ისეთს გამოაჩენენ, რომელნიც მათ წინათ განძრახულებას ამართლებს. აი, ისტორია!

ამ გვართ, რა მხრითაც უნდა მიმოვიხედოთ, რა საგანიც უნდა განვიხილოთ, ყოველგან და ყოველთვის ეხედეთ ერთ და იმავეს: საზოგადო აზროვნება და საქმიანობა აშენებულია გრძნობაზე და არა ცოდნაზე, გაბატონებულია რომანტიზმი და განდევნილია რეალიზმი. საზოგადო დაწესებულება, პატრიოტობა, მწერლობა — ყველაფერი რომანტიზმით არის გაქღნითილი, ყველაფერი ამით ხელმძღვანელობს და სულდგმულობს. ცოდნა და საქმე უარყოფილია ღ მათ მაგიერ გრძნობა და სიტყვა გამეფებულია. ეს ბადებს საერთო უსაქმობას, უშინაარსობას და უფიცობას. და ეს გაგრძელდება მანამდის, სანამდის მიუფერებელი მხილება, პირდაპირი მსჯელობა, ნამდვილი ცოდნა და მუყაითობა არ აღორძინდება და გამძლავრდება. ერთი სიტყვით, ძველი ქვეყნის კრიტიკით ნახულ უნდა იქმნას ახალი ქვეყანა, პატრიარქალური-რომანტიული ურთიერთობის დარღვევით დამყარებულ უნდა იქმნას მოქალაქობრივ-რეალური ურთიერთობა. და ვინც ამას ემსახურება, ამას მისდევს ღ ეთაყვანება — ის ემსახურება ჩვენი ერის განვითარებას, ჩვენი სამშობლოს გაღონიერებას და აყვავებას...

ნ. ჯორდანას.



სხვა-და-სხვა ამბავი.

ღმ თვის 18 წერა-კითხვის საზოგ. გამგეობამ თავის სხდომაზე დაადგინა. სენაკის სათავად-აზნაურო სკოლის ინსპექტორი სამსონ ყიფიანი გადაყვანილ იქმნას ქუთაისის სათავად-აზნაურო სკოლაში მასწავლებლათ: ხოლო მასწავლებლები: მ. შარაძე, გ. წულუკიძე, გომელაური, პლ. წულუკიძე და აღმზრდელი გ. ბოკერია დათხოვნილ იქმნან სრულიად უადგილოთ.

ცხენის რკინის გზის უსახელო საზოგადოების დირექტორმა რობიმ, 14 ივნისს, პირადათ თხოვა ქალაქის გამგეობას, ნება მომეცით ავიყვანო რკინის გზა მთაწმინდის სერზედაო. გზაზე იელის 2 ან 4 ვაიონი. გზის წარმოება უნდა დარჩეს რობის ხელში 45 წლის ვადით, რის შემდეგ გადავა ქალაქის საკუთრებათ. გზა დაიწყება ქალაქის წყლის მილებს აუზიდან. მთაწმინდის სერის შუაზე გაიშართება სადგური ვაგონების შესახვედრათ, ხოლო უკანასკნელი სადგური იქნება წვერზე, „განდევითან“. გადასახადი შუა სადგურიდან ასახველ-ჩამოსახველათ იქნება 10 კაპ. კაცზე, ქვედა სადგურიდან ზედამდე 20 კაპ., იქიდან 15 კ., ხოლო აქედან და იქიდან 30 კ. ერთი ფუთი ბარგის წალება ელირება 5 კაპ., ვაგონები ივლიან 15 მარტიდან 15 ნოემბრამდე. კონცესიის ვადის გასვლამდე რობი ჰპირდება ქალაქს 1 პროცენტს მთელ შემოსავლიდან. მას სათანადო მთავრობის წინაშე უკვე შუამდგომლობა აღუძრავს ამ საგნისა და კიდევ იმის შესახებ, რომ ეს გზა გაიყვანოს კოჯრამდე, რობის განზრახვა აქვს, აგრეთვე აიყვანოს მთაწმინდის წვერზე წყალი, გამართოს იქ ბაღი, სასაფხულო თეატრი, როტონდა და სხ.

აგრონომმა თავ. ი. ზ. ანდრონიკაშვილმა, მოახსენა მიწათმოქმედების მინისტრის რწმუნებულს, რომ კახეთის მევენახეთა კერძო კრებაზე (მაისის დამლევს) გამოიჩინა: 1) რომ კახეთის მევენახეთა კრება დღეს დიდათ საქიროა, როგორც იმ შევიწროებულ მდგომარეობისათვის, რომელშიაც ეს სამეურნეო დარგი იმყოფება, ისე ამ დარგის ნაწარმოებთა მოყვანისა და გასაღების პირობების შეცვლისათვის, და 2) რომ კახეთის მევენახეთა კრებისათვის შესაფერი დრო იქმნება ნოემბერი და ადგილი ქ. თელავი. კახეთის მრავალ მევენახეთაგან ხელმოწერილ პროგრამაში, ვაზის ავთამყოფობასთან ბრძოლასა და ამერიკულ ვაზის მოშენებას გარდა, ლაპარაკია აღძრული აგრეთვე კახეთის ღვინოების გასაღების, მევენახეთათვის იაფი კრედიტის დაარსების და სხვათა შესახებ.

თფილისის გუბერნატორმა წინადადება მისცა თფილისის პოლიციმეისტერს, გამოუცხადეთ ყველა იმათ, რომელნიც საპრობილიდან თავისუფლდებიან, რომ მათ შეუძლიათ, თუ მოისურვებენ, შევიდნენ შრომის სახლშიო.

ბელგიის მადნებსა და თუნუქის (ცინკის) ჩამომსხმელ უსახელო საზოგადოებას ნება მიეცა იმოქმედოს რუსეთში. ამ საზოგადოებას აზრათ აქვს შეიმუშაოს და აწარმოოს კავკასიაში ტყვია-ვერცხლის და თუნუქის მადნები.

ამ ქამათ სახელმწიფო ქონებათა სამმართველოში

წარდგენილია 3,000-ზე მეტი თხოვნა სახაზინო ადგილების დათმობის შესახებ თფილისის გუბერნიაში.

ამ დღეებში მოხდება თფილისის მეეტლეთა კრება, რომელზედაც უმთავრესათ განხილულ იქნება ნიხრი და სხვა დადგენილებანი. ამ კრების დადგენილება მეეტლეთა საერთო შუამდგომლობასთან ერთათ წარედგინება თფილისის გუბერნატორს. მეეტლეთა აზრით ნიხრი ზოგიერთ მანძილზე უნდა შემცირებულ იქმნას.

სასულიერო მთავრობას გადაუწყვეტია გადატანილ იქმნას გურია-სამეგრელოს ეპარქიის კათედრა ქ. ფოთიდან ოზურგეთში.

ლაპარაკია აღძრული იმის შესახებ, რომ სოფ. ახალქალაქსა, ქარელსა და ხაშურში დაარსდეს სასოფლო საავათმყოფონი. საჭირო ხარჯს კისრულობს ადგილობრივი სასოფლო საზოგადოება.

შორაპნის მაზრის თავად-აზნაურობა შუამდგომლობს იმის შესახებ, რომ ჭიათურას რკინის გზაზე დაკლებულ იქმნას ტარიფი სამეურნეო ნაწარმოების და ხე-ტყის გადატან-გადმოტანაზე. ახლა-კი ამაზედაც ისეთი ტარიფია, როგორც შავ-ქვაზე და ეს ძალიან აფერხებს მეურნეობას.

ჩვენ მივიღეთ სოსიკო მერკვილაძის მიერ გამოცემული წიგნაკი „სულიკო და სხვა რჩეული სასი-მღერო ლექსები“ აკაკისა. წიგნაკში მოთავსებულია 30 საუკეთესო ლექსი და ღირს ორ შაურათ.


„აგვალის“ კორესპონდენციები.

ბ. ოზურგეთი. წლევეან დღემა პარკის ფასებმა ხალხს ძალიან გაუტეხა გული. წელს აბრეშუმის მოყვანა ძვირათ დაჯდა, ხოლო ბაზარი კი შესაფერი არ დაურჩა. საზოგადოთ, გურიაში დიდ ძალი თესლი დარბდა, რამაც გამოიწვია შესამჩნევი ბჟოლის სიძვირე და თან გაორკეცებული ჯაფა. რადგანაც ბჟოლა ახლო-მანლო აღარ იშოვებოდა ოც და ოც-დახუთ ვერსტიდან ეზიდებოდნენ ბჟოლის ფოთელს. მოაწია გაყიდვის დრომაც, და მაისის მიწურულში პარკის პირველი მაზანდა იყო ფუთა 10 მან. ორ დღეს, შემდეგ თორმეტი მანეთი გახდა. მყიდველი იყო როგორც „შუამავალი“, ისე კერძოპირებიც. ექვს ივნისს ე. ი. კვირას დიდ ძალი პარკი ჩამოვიდა ბაზარში და ამ დღეს ამხანაგობა ყიდულობდა 13 მა-

ნეთათ ფუთს—მეორე საათამდის. მეორე საათს შემდეგ ამხანაგობის მართველმა გამოაცხადა საყოველთაოთ: ხელო ამ საათამდის პარკს ვეღარ მივიღებთო, რალა გზა იყო მეტი და პარკის გამყიდვები ისევე მიაწყდა ჩარჩების კანტორას, რომლებმაც ისარგებლეს ამით და მაზანდაზე დააკლეს მანეთ ნახევარი და იმასაც ამორჩევით ყიდულობდნენ. პარკის რამდენიმე გამყიდველმა იმ ღამეს აღარ გაყიდა პარკი, რადგანაც მეორე დღეს ფიქრობდნენ ამხანაგობა იყიდის და მანეთ ნახევარს მეტ ავიღებთო. დანიშნული დროზე ისევე გაიშო ამხანაგობის კანტორის წინ ხალხი გოდრით და ურმით. მმართველმა გაისვა ხელი და ყველას დაურთვა ნომრები, ყველანი აღტაცებით მოელოდნენ როდის მიგვიწოდებენ ასაწონათო. მაგრამ ამათ კიდევ გამოაცხადეს, რომ დღეს პარკს ვეღარ ვყიდულობთ, რადგანაც არა ვართ მომზადებული პარკის საყიდლათო. მხოლოთ რამოდენიმე წვერებისაგან იყიდეს, ისეც არჩევით. ისევე ის განმეორდა, როგორც წინა დღით. სამშაბათს და ოთხშაბათს ე. ი. 8 და 9 ამხანაგობა სეკლ აღარ ჰკიდებდა ხელს პარკს. და მიაწყდნენ უცხოელ ჩარჩებს და მათ დალაღებს. ასეთმა გარემოებამ დასცა პარკის ფასი და ამ ხსენებულმა ჩარჩებმა დაიწყეს გულცივათ პარკის ყიდვა ხუთიდან რვა მანეთამდის, ისიც რასაკვირველია პარკის არჩევით, მაგრამ ბოლოს ესენიც განაზდნენ და ბევრი იძულებული გახდა თავისი პარკი ისევე სახლში წაეღო ამოსახვევათ, რადგანაც იმათ პარკის დახრიობა არ იცოდნენ.

ასე რომ, ამხანაგობის გამკემ კარგათ იცოდა, რომ ბევრი თესლი იყო მთელ გურიაში, მაშასადამე პარკიც ბევრი იქნებოდა დარიგებული და საჭირო იყო თავის დროზე მომზადება, რომ სოფლელები დაეცვა ჩარჩ ბაცაცებისგან. მარა მას ასე არ უქმნია, ის სრულიად მოუშაადებელი დახდა ამ საქმეს. ამხანაგობის უმთავრეს ნაკლულევენებათ ისიც ჩაითვლება, რომ თავის დროზე ფარდულელები არ შეიძინა. პარკის გამოტანის ოცი დღის წინ გასცეს იჯარით ერთი ფარდულის გაკეთება და ისიც ძლივს ღამასაწერეს, მარა ჯერ ეს არ გათავებულყო რომ მეორის აგებაზე დაიწყეს ლაპარაკი მაგრამ არ მოესწრო და ლაპარაკი ლაპარაკათ დარჩა. ამან შეაფერხა პარკის ვაჭრობის საქმე და სანახევროთაც აღარ გამართლდა, რასაც მოელოდნენ.

თუმცა იმედს ყოველთვის იძლეოდა ახანაგობა და დღესაც იძლევა, მაგრამ იმედმა ვერაფერი ნაყოფი მოიტანა და იმედები კი მარტო მღვიძარე კაცის სიზმრათ დარჩა. უფასო სასწორითაც ვერ ისარგებლა ხალხმა, რადგანაც მისი არსებობა ბევრმა არ იცოდა, ხოლო განცხადება კი არაფინ გააკრა.



სტეფანწმინდა (ხევი). დიდხანი არ არის მას აქეთ, რაც მოხვევთა და მათის მზრუნველ პირთა ლაღდება ყურად ილო ქველმოქმედმა „ქრისტიანობის აღმადგენელმა საზოგადოებამ“ და პატარა მოხვევით გაუხსნა ს. სტეფანწმინდაში სამრევლო სკოლა. სულ 6—7 წელზე მეტი არ არის, რაც ეს სკოლა არსებობს, მარა ნაყოფი კი საკმაოდ გამოიღო.

სკოლა დაარსებიდან 1897 წლამდის შეენიერათ იყო დაყენებული. განსაკუთრებით 1895—97 წლებში (რადგანაც იმ დროის მასწავლებელი ბ. გ. ნათაძე გულმხურვალეთ მოეკიდა სკოლის საქმეს). სტეფანწმინდის სკოლამ ხმა შორს გაითქვა და ქართველმა საზოგადოებამ რა ნახა, რომ ასეთ უმცირებით მოფენილ მხარეს ცოდნისთვის და ნათლისთვის მიუგნიაო, როგორც საქართველოს დაბა ქალაქებიდან, აგრეთვე რუსეთის ქალაქებიდანაც უწერდნენ ჟურნალ გაზეთებს, უგზავნიდნენ შეწირულებას ფულათ თუ წიგნებთ ბიბლიოთეკისთვის; თვით ყმაწვილების სწავლების საქმე ხომ საუკეთესოთ იყო დაყენებული, მხოლოდ ყველა სწავლის მსურველს ვერ ღებულობდნენ უადგილობის გამო და მომცრო ყმაწვილების მიღებას შემდეგი წლებისთვის გადადებდნენ ხოლმე. ამ ხანში ხშირათ იმართებოდა სკოლაში გასართობი საღამოები, სადაც იკრიბებოდა მთლათ სოფლის ქალი და კაცი და უსძენდა პატარა მოსწავლეებს ლექსების სიმღერებს, და სხვა.

ამ წლებში შეიძინა სკოლამ „ჯადო ფარანი“ რომელიც შემოაწირა თ. კ. ი. მუხრანბატონმა. ამ დროში ჰქონდა მასწავლებელს პატარა შინაური აფთაქი, საიდანაც ყველა გაჭირვებული მოხვევე უფასოთ სარგებლობდა წამლებით. ამავე ხანში არამც თუ სკოლას, სამრევლო ეკლესიასაც კი ისეთი ანდამატური ძალა ეძლეოდა, რომ ყოველ დღესასწაულზე წირვალოცვის დროს ხალხით ივსებოდა ეკლესია; დიდი და პატარა ქალი და კაცი ყველა სიამოვნებით მიეშურებოდა ხოლმე ეკლესიისკენ, რათა დამტკბარიყვენ თავ-თავის პატარა შვილების და ძმების შეენიერი წკრიალა გალობით. მაგრამ ამ ხანამ დიდხანს არ გაატანა, ჩქარა დაუდგა ახალი ხანა და სკოლამაც უკან დაიწია.

ახალი ხანა დაიწყო 1897 წლიდან ე. ი. შემოდგომიდან 1898 წ., როცა ბედმა არგუნა ჩვენ სკოლას მასწავლებლად რ. შ. სკოლის საქმეც სულ უკულმა დატრიალდა, მოსწავლეების რიცხვმა თანდათან იკლო და ბოლოს მდგომარე ამ წლის იანვრამდის თათქმის სულ დაცალიერდა, ასე რომ პოლიციაც კი ვეღარ აგროვებდა ყმაწვილებს სკოლაში. აღარც ჩვეულებრივი საღამოების მართვა, აღარც ეკლესიაში ყმაწვილების გალობა ხალხს აღარ იზიდავდა, ბიბლიო-

თეკის წიგნები *) სულ ყვე-კაჭკაჭებმა დაიტაცეს და ვინ იცის საით უკრეს თავი, სკოლაში თითქმის მარტო მასწავლებელი ლა დარჩა. ასე და ამ გვართ სკოლა დემსკავესა სულთმამბრძოლ სნეულს, იქნება სულიც დაელია და ასეთი მამაკედინებელი ცოდვის ბრალი, სრულებით უბრალოთ, ხალხს დაედებოდა, მაგრამ ვმადლობდეთ ბ-ნ ინსპექტორის ფხიზელ ყურადღებას, მან დაინახა რა სკოლის ასეთი გაჭირვებული მდგომარეობა და მიხვდა მიზეზსაც, მოაშველა ახალი მასწავლებელი ბ. ა., რომელიც დიდი ენერგიით შეუდგა სკოლის გამობრუნებას, კვლავ ფეხზე დაყენებას და შეასრულა კადეც. ბ. ა.—ს მოსვლისთანავე კვლავ შეიკრიბნენ ის მოსწავლე ქალ-ვაჟები, რომლებიც ვერც მშობლებმა და ვერც პოლიციამ სკოლას ვეღარ მიაკარეს; იანვრის ბოლო კვირიდან დაიწყო სწავლა და დღეს ჩინელებულათ მიდის სკოლის საქმე; ამას ამტკიცებს სხვათა შორის ბ. ინსპექტორისაგან ბავშვების გამოცდა რომლითაც დიდი კმაყოფილი დარჩა. 21 აპრილს ბ. გ. ყაზბეგის დიდ ზალაში გამართული იყო საღამო, სადაც ამ სოფლის ხალხს გარდა დავსწრენ სხვა სოფლებიდან და ფოსტის სადგურებიდანაც, სულ 300—ამდინ. ეს საღამო გამართული იყო მასწავლებლის და ფოსტის სადგურის უფროსის ა. თულაშვილის თაოსნობით. ხალხი დიდათ ნასიამოვნები დარჩა, მეტადრე პატარა მოსწავლეების სცენაზე წაკითხულის ლექსებთ, მოთხრობებთ და სიმღერით. ხალხში ბევრი ვაშა და ტაშისცემა ისმოდა. მონაწილეობას იღებდნენ არა მარტო მოსწავლეები, არამედ მოზდილი ახალგაზდები და ვაჟაკებიც. შემდეგ ხალხმა მიულოცა მოთავეებს და უსურვა, რომ ამ გვარა საღამოები ხშირათ გამართონ ხოლმე. ბიბლიოთეკის რამდენიმე დაკარგული წიგნიც დაიბრუნა ახალმა მასწავლებელმა და, იმედია, ბიბლიოთეკასაც ისევ ფეხზე დააყენებს.

თუმცა დღეს ასე ჩინებულათ არის სკოლის საქმე, როგორცა ეთქვით, მაგრამ როგორც მე ჩვენს (ხევის) ბედს ვიცნობ, თუ ვინმემ ჩვენის კეთილდღეობისთვის ან ენა გასძრა და ან ხელი, იმას დიდხანს არ შეგვარჩენენ ან თითონ არ შეგვარჩება; თუმცა კი ჩვენ იმის მონატრე ვართ, რომ ეს ასე აღარ იყოს და ჩვენც შეგვარჩინოს დიდხანს ჩვენი კეთილი მზრუნველები. აგრეთვე სასურველია ისიც, რომ ამ გვარ კაცებს ხალხი ამხნეებდეს, გულს არ უტეხავდეს და

*) თუ არა ვცდები ბიბლიოთეკას 200 მანეთზე მეტი ფასის ქართულ-რუსული წიგნები და ყურანდ-გაზიკოები ჰქონდა და ამ წლამდის 50 მანეთზე მეტისა აღარ დარჩა.

თანაუკრძობდეს რომ არ ასრულდეს ნათქვამი: „სადაც მივსულვარ და ვისთვისაც ჯან ღონე შემიღვეია იმისგან სავესე ფილა ნალევლი დამიღვეიაო“.


სტეფანელი.

ს ა ზ ლ ვ ა რ - გ ა რ ე თ

საფრანგეთი. საფრანგეთში უკვე შედგა ახალი სამინისტრო. დიუპუის კაბინეტის ნანგრევზე ვალდეკ რუსომ ააშენა თავისი კაბინეტი. რა კაბინეტია ეს? ამის გასაგებათ საჭიროა ვიცოდათ, რომ დასცა დიუპუი. დიუპუი დასცა 296 დეპუტატმა, (წინაღმდეგ 159-ისა), ამათშია 140 რადიკალი და რადიკალ-სოციალისტი, 59 პროგრესისტი, 45 სოციალისტი, 29 მონარქისტი, 23 ანტისემოტი და ნაციონალისტი, უმცირესს შეადგენდა 98 პროგრესისტი, 42 რადიკალი და სხ. ცხადია მხოლოდ რადიკალ-სოციალისტებს და სოციალისტებს მიუციათ ერთხმად შავი, ზოლო სხვები კი დანაწილებულან, ზოგს შავი მიუცია, ზოგს თეთრი. მაშასადამე დიუპუი დასცა ამ მემარცხნებმა და ამით მომავალი კაბინეტის პროგრამაც გამოითქვა. ვალდეკ რუსომ შესრულა ეს პროგრამა. მან ისეთი სამინისტრო შეადგინა, რომ თავისი შემადგენელი ნაწილებით მთლათ განცვიფრა მთელი საფრანგეთი, მთელი ქვეყანა. ეს მესამე რესპუბლიკის პირველი სამინისტროა, რომელშიაც სოციალისტიც ზის და ეს პირველი სოციალისტი-მინისტრი ისტორიას უნდოდა უთუოთ ვაჭრობის მინისტრი ყოფილიყო. მისი სახელია მილიერანი. მას კიდევ ყავს ამხანაგი რადიკალ-სოციალისტი, კომუნის მინისტრათ ნამყოფი (1871 წ.), ბოდენი. ეს განაგებს საზოგადო სამუშაოს. და აი ამ თანამედროვე სოციალიზმის და პარიჟის კომუნის წარმომადგენელთ გვერდში უზის კომუნის გამანადგურებელი გენერალი გალიფეი! საფრანგეთის დემოკრატის არც ერთი სამხედრო კაცი ისე არ ძულს, როგორც გალიფეი და მისი კაბინეტში შესვლა, რასაკვირველია, დიდი წინააღმდეგობა უნდა გამოეწვია. აი რას მოგვითხრობს გალიფეის შესახებ ისტორია: 9 მაისს, 1871 წ., ვერსალის მთავრობამ პარიჟს რევოლუციონური ჯარი დაამარცხა და პარიჟი აიღო. ჯარი შევიდა ქალაქში. ერთ კვირაში ოცი ათასი დახოცა და ორმოცი ათასი დაატყვევა. დატყვევებულთა ერთი ნაწილი, რომელთა შორის ბევრი ქალები იყვნენ, ვერსალში გაგზავნეს სამხედრო სამსჯავროს წინაშე. გზაზე დახვდა გალიფეი. მან გააჩერა ტყვეები, ჩამოხტა ცხენიდან და დაათვალიერა. — შენ ინტელიგენტური გამო-

ნატულება გაქვს, გამოდი აქეთ, უთხრა ერთს. — შენ სათი გქონებია, უთუოთ კომუნის მოხელე იქნებოდი, შენც ცალკე დადექი და ასე ააჩია ასამდი კაცი. ამათში ერთი ქალიც და ყველა ეს იქავე ფეხზე დაახვრეტია. მერე მიუბრუნდა ტყვეთა მეორე წყებას — ყველა თეთრ თმიანი გამოდით, უბრძანა მან. გამოვიდა ას თერთმეტი. — „თქვენ უეჭველია 1848 წ. იენის რევოლუციის მოწაწილეობას მიიღებდით. თქვენ კიდევ მეტი დანაშაულობა მაგიძღვით ვინემსხვას“. და ესენიც პირველთა გზას გაუყენა... აი ვინ არის გალიფეი და მის სახელს პარიჟის პროლეტარიატს ვერ გააგონებ. ვალდეკ რუსომ ეს კარგათ იცის და რამდენიმეთ ბოდენში მოიხდა, როცა პარლამენტის წინაშე განაცხადა: გალიფეი სამინისტროში ავიყენებ იმიტომ, რომ არც ერთი გენერალი ისე არ ემორჩილება კონსტიტუციას, როგორც ისო. ვალაფეი წინააღმდეგია გენერალთა თავგასულობის და მორჩილია საქალაქო მთავრობის. ასეთი კაცი საჭიროა კაბინეტში ამ ქამათ, როცა დრეიფუსის საქმის გამო თავი წამოყვეს რესპუბლიკის მტრებმა. სამინისტროს დანარჩენი წევრები ჩვეულებრივი მინისტრები, ზოგი რადიკალია, ზოგი ზომიერია. თვითონ ვალდეკი ზომიერი რესპუბლიკანელია, განხეტის და ფერის კაბინეტში მინისტრათ ნამყოფი, ის არის ანტი-კლერიკალი, სამოქალაქო უფლების სამხედროზე მაღლა დამყენებელი და სხ. ამასთანავე შესანიშნავი მჭერმეტყველია. პანამის საქმეს მერე პოლიტიკაში პირდაპირ აღარ ერეოდა. სამინისტრომ უკვე გამოაცხადა თავისი პროგრამა, რესპუბლიკას დაცვა, დრეიფუსის საქმის დაბოლოება და სხ. ეს დეკლარაცია მიღებულ იქმნა მცირე უმრავლესობით (263 — 237 ხმა).

გერმანია. ეს მეცხრამეტე საუკუნე სწორეთ წიგნის საუკუნეა. ერთი დაბეჭდილი ქალაქი დაუსრულებელ ლაპარაკს და დავიდარბას გამოიწვევს ხოლმე. აი მაგ. აგერ ერთი თვეა რაც გერმანიის პარტიები ალაპარაკა ედუარდ ბერნშტაინის წიგნმა სოციალდემოკრატის შესახებ. ავტორი ცნობილი სოციალ-დემოკრატია და თავის პარტიას ურჩევს: თავი დაენებოთ სოციალიზმის განხორციელებას და რეფორმების გზას დაეადგეთო. მარა პარტია უარს ყოფს ამას, უარ ყოფს თვით ავტორსაც, ჩვენი აღარა ხარო. ბერნშტაინმა გამოიწვია მრავალი წინააღმდეგი წერილები და კიდევ უფრო მრავალი მიტინგები. აი რა თქვა ერთ ამთგანზე „მოხუც“ ლიბკნეხტმა: „ბერნშტაინის წიგნი ახალს არას შეიცავს. მისი აზრები, რამდენათაც სოციალ-დემოკრატული არ არის, წერილ ბურჟუაზულ „ფრანკფურტის გაზეთში“ და დედლის ნაუმანის ქრისტიანულ-სოციალურ „დახ-



ჩრდილ-ამერიკის შეერთებული შტატების სამხედრო გემები (ფლოტი).

მარებაში“ ყოველ დღე იწერება. უკანასკნელ მიმართულებას ბერშტაინი კიდევაც აღიარებს თავის მიმართულებათ. და თუ მართლა რწამს ყველა ის, რასაც წერს, რაკვირველია, ნაუმანის მხარეზე უნდა გადავიდეს. უეჭველია ნაუმანის „ქრისტიანულსაც“ ჩქარა ისწავლისო“.

— გერმანიის მთავრობამ რეისტრაცს წარუდგინა ახალი კანონპროექტი შესახებ მუშათა გაფიცვისა. პროექტის ძალით სასტიკათ ისჯება ის მუშა, რომელიც უშლის გაფიცვის დროს მუშაობის განგრძობას და მით აიძულებს გაფიცვაში მონაწილეობა მიიღოს. მას უნიშენენ რამდენიმე წლის ციხეს. რასაკვირველია, რას ჰქვიან ხელის შეშლა—ეს ძალიან განუხსნდვრელია. უბრალო მოლაპარაკებაც შეიძლება ამ კანონის ქვეშ მოიტანოთ. ასე რომ ამით გაფიცვის უფლება თითქმის ისპობა. ამიტომ მის წინააღმდეგ არის ყველა პარტია გარდა კონსერვატორთა და ნაციონალ-ლიბერალების ერთი ნაწილისა. სოციალდემოკრატამ უთვალაფი მიტინგება მოახდინა პროექტის წინააღმდეგ გერმანიის ყველა ქალაქებში. პროექტის უარისყოფა დეპუტატებისაგან მოსალოდნელია.

— ქალაქ ულმის თვითმართველობამ ქალაქის მუშებისათვის დააარსა სიბერის და დასახიჩრების დროს დამხმარებელი კასსა. ის მუშა, რომელიც ქალაქის სამსახურში იყო ათი წელიწადი და მერე რაიმე უბედური შემთხვევის გამო შრომა აღარ შეუძლია, კასიდან მიიღებს წელიწადში 220—450 მარკას (7 მარკა—45 კაპ.); ამდენსავე მიიღებს 65 წლის და მეტის მუშა, რომელიც ქალაქის სამუშაოზე ყოფილა არა ნაკლებ 20 წლისა. კასაში მუშას არა აქვს რა შესატანი. ფულს ერთიანათ ქალაქი იძლევა.

— რა ნაირათ განვითარებულა კოოპერატიული ამხანაგობები გერმანიაში ჩანს შემდეგი ციფრებიდან: პირველი ამხანაგობა (ავათმყოფობის და დამარხვის კასსა) დააარსა შულჩემ ქ. დელიჩში 1849 წ. შემდეგ გამრავლდა ყოველ გეარი ამხანაგობები (განსაკუთრებით მომხმარებელი და შემნახველ-გამსესხებელი) და დაარსდა საერთო „კავშირი“. ამ „კავშირს“ ამ წამათ ეკუთვნის 1544 ამხანაგობა, ამათგან 1416 ს ჰყავს 904,640 წევრი, რომლებსაც წელიწადში ამხანაგობისაგან, კრედიტის და საქონლის სახით, ერთი მილიარდი რუბლს მილიონზე მეტი მარკა გამოაქვთ (1.869,640,275 მარ.) ამ უკანასკნელი ამხანაგობის ძირის თანხას შეადგენს 41,557,912 მარ., სხვის ფული აქვთ 512,266,641 მარ. ხოლო ქონება კი 125.122,131 მარკის. ამ 1416 ამხანაგობათა შორის არის: 1) 924 საკრედიტო ამხანაგობა, რომელთა წევრია 125,192 დამოუკიდებელი ხელოსანი

და 145,385 სოფლის მეურნე. ამათ 1897 წ. 900 მილიონი კრედიტი მიუღიათ; 2) 489 მომხმარებელი ამხანაგობა, სადაც 403,872 პირს უყიღია ყველა ცხოვრებისთვის საჭირო მასალები, ამათში ყოფილა დაახლოვებით 207,000 მუშა-ხალხიდან, რომლებსაც ამხანაგობებთან ეაქრობით ხუთ მილიონამდე ფული გადაურჩენიათ. „კავშირს“ ეკუთვნის აგრეთვე 31 სახლების ამშენებელი ამხანაგობა, რომლებსაც აუშენებიათ 82 სახლი, ამათში 45 სახლი 333 ვასაქირაებელი ბინით.

საგულისხმო ციფრები.

წვენი წინ ძვეს ქუთაისის სათავად-აზნაურო ბანკის ანგარიშები დაარსებიდან დღევანდლამდე (1876—98 წ. წ.). საიდანაც მოვიყვანთ შემდეგ საგულისხმო ციფრებს.

ქუთაისის ბანკს თავის არსებობის პირველ 7 წლის განმავლობაში (1876/77—1883 წლის ბოლომდე) გაუცია გძელ ვადიანო სესხი 4,261, 200 მ. ამათში 1,006, 800 მ. სოფლის მამულებზე, ხოლო 3,254,400 მ. ქალაქისაზე. ამავე დროში 588,600 მ. ვალი უკანვე დაუბრუნებიათ. მოკლე ვადიანი სესხი გაუციათ 318,087 მ. ამათგან 228,592 მ. შემოუტანიათ. ამ ოპერაციებისაგან ბანკს დარჩენია 262,435 მ. 71 კაპ. წმინდა-მოგება. წელიწადში ორთა შუა რიცხვით მოდის 37,495 მ. 10 კ. ბანკს უზარალია 19,110 მ. 46 კაპ. ბანკის მართველებათ ყოფილან პირველ წელიწადს ბ. ლოლობერიძე, დანარჩენ ექვს წელს კი ნაკოლოზ ლოლობერიძე.

1884 წ. (ბანკის მართველია დადიანი) მინისტრის განკარგულების გამო გძელი ვადიანი სესხი არ გაუციათ; მოკლე ვადიანი კი გაუციათ ძალიან ცოტასულ 4,500 მ. ამ წელს ბანკს წინა წლებში დაგირავებულ მამულებისაგან დარჩენია სულ 97,625 მ. 95 კ. აქედან გაუსტუმრებიათ ბანკის ზარალი 57,703 მ. 68 კ. ბანკის გაჩეგობის ხარჯს გარდა წმინდა მოგება დარჩენილა 13,154 მ. 81 კ.

1885 წ. შემოსულა 95,356—01; ბანკის ზარალი და მართველობის შენახვაზე წასულა 56759 მ. 60 კ. წმინდა მოგება 38596 მ. 41 კ.

1886 წ. გაუციათ გძელ ვადიანი სესხი 197,300 მ. ამაში 78,200 მ. სოფლის მამულებზე, 99,100 მ. ქალაქისაზე. მოკლე ვადიანი 5,000 მ. მთელი მოგება ყოფილა 89,778 მ. 87 კ. ბანკის ზარალზე დახარჯულა 17,568 მ. 58 კ. მართველობის ხარჯს გარდა წმინდა მოგება დარჩენილა 44,788 მ. 30 კ.

1887 წ. გაუციათ 328,500 მ. ამაში 106,100

მ. სოფლისაზე, დანარჩენი ქალაქისაზე. მოკლე ვადიანი კი 28,000 მ. მთელი მოგება 91,470 მ. 16 კ. აქედან ბანკის ზარალისთვის გადიდა 9,802 მ. 70 კ. გამგეობის ხარჯს გარდა წმინდა მოგება დარჩა 44,000 მ.

1888 წ. გაუციათ 357,000 მ. ამაში 50 400 სოფლის მამულებზე; დანარჩენი ქალაქისაზე. მოკლე ვადიანი სესხი 22,800 მ. მთელი მოგება ყოფილა 94,034 მ. 85 კ. ბანკის ზარალზე 30,000 მ. წმინდა მოგება 17,911 მ. 53 კ.

1889 წ. ყოფილა მთელი მოგება 945,91 მ. 81 კ., აქედან 71,732 მ. 35 კ. ბანკის ზარალი და გამგეობის ხარჯები დაუფარავათ. წმინდა მოგება დარჩა 22,859 მ. 46 კ. (ცნობა გირაოთა შესახებ არა გვაქვს).

1890 წელს (მართველი კ. ჩიკვაძე) ბანკს გაუცია გძელ ვადიანი სესხი 274,000 მ. ამაში 79,400 მ. სოფლის მამულზე, დანარჩენი ქალაქისაზე. მოკლე ვადიანი 25,700 მ. შემოსავლიდან 20,000 მ. დაუფარავათ ბანკის ზარალი. ყოველივე სხვა ხარჯს გარდა წმინდა მოგება დარჩენილა 20,460 მ. 36 კ.

1891 წ. გაუციათ 357,300 მ. ამაში სოფლისაზე 136,800 მ. მოკლე ვადიანი—86,300 მ. ბანკის ზარალია 19,576 მ. 86 კ. ამის და სხვა ხარჯების გარდა წმინდა მოგება ყოფილა 39,084 მ. 8 კ.

1892 წ. გძელ ვადიანი სესხა—478,500 მ. ამაში სოფლისაზე 101,900 მ. მოკლე ვადიანი—58,400 მ. შემოსავლიდან ბანკს ზარალს (22,366—93) და სხვა ხარჯებს გარდა წმინდა მოგება დარჩენილა 31,914 მ. 26 კ.

1893 წ. გძელ ვადიანი სესხი—263,700 მ. ამაში სოფლის მამულზე 143,500 მ. ქალაქისაზე 125,200 მ. მოკლე ვადიანი სესხი—53,300 მ. ყოველივე ხარჯს გარდა წმინდა მოგება 23,652 მ. 14 კ.

1894 წ. გძელ ვადიანი—362,000 მ. ამაში სოფლისაზე 123,700 მ. მოკლე ვადიანი სესხი 72,100 მ. წმინდა მოგება დარჩა 34,908 მ. 01 კ.

1895 წ. გძელ ვადიანი—226,100 მ. ამაში სოფლისაზე გაცემულა 59,600 მ. დანარჩენი ქალაქისაზე. მოკლე ვადიანი სესხი—73,800 მ. წმინდა მოგება დარჩა 34,950 მ. 69 კ.

1896 წ. გძელ ვადიანი 418,900 მ. ამაში სოფლისაზე—52,600 მ. (ამ წლიდან იწყება $36\frac{1}{12}$ წ. ქალაქის სესხის გაცემა). შემოსავლიდან ბანკის ზარალის დასაფარავათ გადაუდევრათ 64,636 მ. 47 კ. წმინდა მოგება—0.

1897 წ. გძელ ვადიანი სესხი 495,900 მ. ($36\frac{1}{12}$ წლის ქალაქის სესხია 337,500 მ.). მოკლე ვადიანი

სესხი 101,000 მ. ყოველივე ხარჯს გარდა წმინდა მოგება 17,460 მ. 78 კ.

1898 წ. გძელ ვადიანი სესხი 370,100 მ. ამაში სოფლისაზე მხოლოდ 66,200 მ. მოკლე ვადიანი—108,700 მ. წმინდა მოგება 38,148 მ. 04 კ.

ამ ნაირათ, ღლომბერიძეების 7 წლის მართველობის დროს ბანკს წმინდა მოგება ჰქონებია 262,435 მ. 71 კ.; დადიანის ექვსი წლის მართველობის დროს—181,310 მ. 51 კ.; ხოლო ჩიკვაძის ცხრა წლის მართველობის დროს 240,570 მ. 16 კ.

პირველ ხანაში გაიყიდა 67 მამული, მეორე ხანაში (1885 და 1889 წლის ცნობა არა გვაქვს) 135, ხოლო მესამე ხანიდან ხელთ გვაქვს მხოლოდ ორი წლის ცნობა: 1890 წ. 17 და 1891 წ. 52 მამული გაიყიდა (ამათში ზოგი ბანკს რჩებოდა და მერე ყიდდნენ).

წერა-კით. საზ. უკანასკნელი კრების გამო.

ოცნის 7 მომხდარ კრებაზე წ. კ. საზოგადოების გამგეობამ ერთხელ კიდევ უკანასკნელათ გაგვაცნო თავი. გაგვაცნო თავისი მოქმედება, სურვილი, მისწრაფება. თუმც კარგა ხანია რაც ჩვენ მას ვიცნობთ, მარა საესებით ბევრათვის ის უცნობი იყო მისი სიმუნჯის გამო. ამ კრებაზე კი გამგეობამ ისახელა თავი. საზოგადოებას მისთვის მიუხდევია არა სახუმარო საქმე, მასაც უკისრია ამ საქმის წინ გაძლოლა და ის არა თუ წინ უძღვება ღირსეულათ—საქმეს უკან მოქცევი, ჩაუვლია მისთვის კისერში ხელი და რაც ძალა და ღონე აქვს უკან ეწევა. უსაქმობას შეჩვეულ გამგეობას მეტის მეტათ ეუცხოვა ბ-ნ ნ. ჟორდანიას წინადადება. გამგეობის ერთი მონათავანი („ივერიის“ მიათავსებული კრების ანგარიშის კორესპონდენტი) გულმტკიენულათ ამბობს: ამ მოხსენებამ ბევრი დრო დააკარგინა კრებასო. მეორე კი, ბ-ნი ი. მაჭავარიანი, განცვიფრებას გაუტაცნია და შემდეგ სიტყვებს სროლილობს: ნ. ჟორდანიას რაც თავში მოუეა, ყველაფერი ახალი ჰგონიაო. აბა რა არის ახალი, მიბრძანეთ, რომ რაც შეიძლება ბევრი წიგნთ საცავი დაეარსოთო.—რა გაკვირვებთ ბბ. „ივერიის“ მენაგარიშე და ი. მაჭავარიანო! მარა აქვე უნდა გითხრათ, რომ არც ჩვენ უნდა გაგვიკვირდეს თქვენი გაკვირება. განა არ ვიცით რა ყალბის ბრძანდებით? თქვენ ხომ ყოველივე ახლის წინაშე თრთით. თქვენთვის ხომ სიტყვა „ახალი“ ისეთი ჯაღაა, რომელიც სულს გინუთავთ. სულაც არ გვიკვირს, რომ ბ-ნ ნ. ჟორდანიას სიმპატიურ წინადადებების წინაშე, თქვენ, „ივერიის“ უსახელო მენაგა-

რიშე და მთელი გამგეობა თავს ვერ იკავებთ, ზიზლს ვერ ჰვარავთ. ბ-ნო მაჭავარიანი! სიტყვა „ახალი“ აქ რა მოსატანი იყო? განა რაც ახალი არ არის, ყველაფერი უნდა უარგყვით? ბიბლიოთეკის დაარსება კარგა ხანია რაც დაიწყო. მაშ ეს ახალი არ არისო და უნდა მოესპოთ ბიბლიოთეკები?! არ უნდა ვიზრუნოთ იმათ გამრავლებისათვის? ბიბლიოთეკების დაარსება ნ. ჟორდანიას გამოგონილი არ არის. ის ძველი დაწესებულება არის, მარა დაწესებულება სასარგებლო. კარგათ დაყენებული ბიბლიოთეკა ყოველთვის სასარგებლო ყოფილა, არის და იქნება. ბნ ჟორდანიას წინა-დადებებში ბიბლიოთეკების დაარსების შესახებ რკით ახალი რა არის? აი რა: გამგეობას ძინავს (თუმცა არც ეს არის ახალი, მარა „ყურ-მოჭრილ მონებისათვის“ ეს ახალია), ის აბლაკატობას გაუტაცნია, თავისი პირდაპირი მოვალეობა განზე ვადუდეთ; ამ გამგეობას იმდენი სარგებლობა არ მოაქვს, რამდენის მოტანაც შეუძლია, თუ მის სათავეში მომქმედი ადამიანები იდგებიან. მიეცით საზოგადოებას რიგიანი ანგარიში თქვენი მოქმედებისა, დაანახეთ მას, რომ თქვენ მოქმედებთ სინათლეში და ჩვენი საზოგადოება ისე ძუნწი არ არის, რომ დიად საქმისათვის რიოდე გროში დაიშუროს. ახლა კი თქვენი ამ გვარი ჩუმი მოქმედებით იქვის თვალით გიციქვიან და საკვირველიც არ არის რომ იძახოთ: ფული არ გვაქვსო... აი, რით დაადგეს გამგეობას კულზე ფეხი! აი, რამ ააკივლა „ივერიის მენანგარიშე და ბ-ნი ი. მაჭავარიანი!.. ამაზე არა ნაკლები ვაოცება გამოუწვევია ნ. ჟორდანიას შემდეგ წინადადებებს სენაკის სკოლის შესახებ: იმ ფულებით, რაც სენაკის სკოლაზე იხარჯება, შესაძლოა დაარსდეს ორი სასწავლებელი — იმ ტიპისა, რა ტიპისაც სენაკის სკოლააო. ბათუმის სკოლას იგივე პროგრამა აქვს, რაც სენაკისას. პირველზე იხარჯება 2,000 მ., მეორეზე - 7,000. პირველში მოწაფეთა რიცხვი გაცილებით მეტი ყოფილა, ვინემ მეორეში. ერთში ორი მასწავლებელია, მეორეში კი 5 და ერთიც აღმზრდელი. როგორც ანგარიში მოწმობს ბათუმის სკოლაში სწავლის საქმე სანატრელ მდგომარეობაში ყოფილა. ამ წინადადების საწინააღმდეგოთ გამგეობის თავმჯდომარეს, თ. ი. ქავჭავაძეს, უბრძანებია: „გონიერული პედაგოგიური მოსაზრება იმას კი არ მოითხოვს, რომ ბევრ მოწაფეს ცოტა მასწავლებელი ჰყავდეს, არამედ იმას, რომ ცოტა მოწაფეებს ბევრი მასწავლებელი ჰყავდეს. სანატრელათ უნდა მიგვაჩნდეს ის, რომ სენაკის სკოლაში ბევრი მასწავლებლებიაო. ღმერთმა სენაკის სკოლას მისცა საშუალება და თქვენ კი იძახით, რათ უნდა ამდენიო, თითქო სკოლას ეს საშუალება აწყენდესო“. გამ-

გეობა უთუოთ დიდი მოხარული იქნებოდა, რომ სენაკის 4 განყოფილებიან სკოლაში 6 კი არა, 20 მასწავლებელი იყოს; ის ყურსაც არ გაანძრედა და კრინტსაც არ დაძრავდა, რომ რაც სენაკის სკოლაზე იხარჯება, იმ ფულებით ათი სკოლა შეინახება და გაეხსნათო. ბატონებო! გაივით, რომ ის 7,000 მანეთი, რაც სენაკის სკოლაზე იხარჯება, არც გამგეობისა არის და არც კ. ლორთქიფანიძის. ეს ფულები ქუთაისის გუბერნიის თავად-აზნაურებისა არის, ეს საზოგადო ფულებია. ეს ფულები იმისთვის კი არ ჩაუბარებიათ პატრონებს თქვენთვის, რომ ამ ფულებით თქვენი ქვინი დაიკმაყოფილეთო. ეგ ფული გონიერულათ მოახმარეთ სწავლა-აღზრდის საქმესო. რა ნაირი სოფისტური მსჯელობაც უნდა იხმაროთ, რაინარ კაზუისტიკასაც უნდა მიჰყოთ ხელი, ეს მაინც ცხადი არის, რომ იმ ფულებით, რაც სენაკის სკოლაზე იხარჯება, შეიძლება დაარსდეს თუ სამი არა, ორი მაინც იმ ტიპის სასწავლებელი, რა ტიპისაც სენაკის სკოლაა. ეს ისე ცხადია, როგორც ორჯერ ორი არის ოთხი. მხოლოთ არ ჰსურს გაიგოს ეს გამგეობამ, არ სურს დახმარება გაუწიოს ამ მეტი ფულებით იმ გვარ უსკოლო მხარეს, როგორიც, თუ გინდ, ზუგდიდის მხარაა.. გამგეობას შეუნიშნავს, რომ ბათუმის სკოლას ან ანის ისეთი სკოლა, როგორც სენაკისაა. ამ უკანასკნელში მხოლოდ უფრო კარგია: ოთხი კლასია და მიწანი უფრო ფართო აქვს. სენაკის სკოლას ამხადებს უმსწავლეს გიმნაზიის პირველ კლასისთვისო. საკვირველია, თან სასაცილო და სამწუხარო ამ გამგეობის საქმე. უკისრია ისეთი საქმის ხელმძღვანელობა, როგორიც მას უჭირავს ხელში და ის კი არ იცის — სად რომელი პროგრამის სასწავლებელი აქვს. ჩვენ ნამდვილათ, ვიცით, რომ სენაკის 6 მასწავლებლიან სკოლას და ბათუმის 2 მასწავლებლიანს ერთი და იგივე პროგრამა აქვს. ისიც ვიცით, რომ ბათუმის სკოლიდან წაიღეს პროგრამა სენაკის სკოლისათვის. რაც უნდა გაჭიმოთ, გაწეწ-გამოწეწოთ სენაკის სკოლა, გინდ ოთხ კლასიანი უწოდოთ, გინდ ოთხ განყოფილებიანი, მაინც იმ გვარივე სკოლა არის, როგორიც ბათუმის. იქაც ოთხი განყოფილება და ბათუმშიაც ოთხი განყოფილება. გესმისთ ოთხი! 4 და 4 ერთმანეთს უდრის. ის კი თქვენი ნებაა თუ არ დამიჯერებთ, და იტყვიოთ, რომ 4 და ოთხი ტოლი არ არიანო. რაც შეეხება იმას, რომ სენაკის სკოლა შევირდს ღმნაზიის პირველ კლასისთვის ამხადებსო, მაგანე აი რას მოგახსენებთ: წ. კ. გ. საზოგადოების ანგარიშში არსად არ არის ნათქვამი, რომ სენაკის სკოლიდან შევირდი ღმნაზიის ამა და ამ კლასში შევიდაო. ბათუმის სკოლიდან კი შარშან ღმნაზიაში შესულა 3 და წელს შევიდა 7. აქე-

დან აი, რა დასკვნა შეგვიძლია გამოვიყვანოთ: გამგეობამ ან არ იცის თავის სკოლის საქმეები და ან ცდებდა. ამ ორში ან ერთია, ან მეორე. მარა ორივე ერთი მეორეზე უარესი კი არის.—წარმოადგინა რა გამგეობამ თავისი აზრი სენაკის სკოლის მომეტებულ ხარჯის შესახებ და ბრძანა რომ სკოლაზე რაც მეტი დაიხარჯება მით უკეთესიაო, დაამატა: ჩვენი საქმე მაინც არ არის ეს. ეს ქუთაისელი კომიტეტის საქმეაო. კარგათ ვიცით, რომ ქუთაისელი კომიტეტი და გამგეობა ძმობილებია. რაც ერთსა სურს სენაკის სკოლის შესახებ, ის მეორესაც, მხოლოდ ამ ჩვენ პატივცემულ გამგეობას ძალიან გატეხია იმედი, როგორც ეტყობა.

გამგეობის წევრებს, ნოე ჟორდანიას წინადადებაზე—ახალი სკოლები გახსენითო, წამოუძახიათ: სხვაგან სკოლის დაარსება ძალიან საეჭვო არისო: ახალი ბიბლიოთეკის გახსნაც საეჭვოაო. ამ გვარ გამგეობისაგან ახალი სკოლების და ბიბლიოთეკების დაარსება, მართლა რომ საეჭვოა. ან სად აქვთ დრო, ბატონებო, გამგეობის წევრებს და მათ თავმჯდომარეს ახალი სკოლების და ბიბლიოთეკების გახსნის თაობაზე შესაწუხებლათ! მოგესხენებათ, ყველას თავთავისი საქმე აქვთ. როგორ ფიქრობთ: თ. ი. ჭავჭავაძეს რომ მოცლა ჰქონებოდა, შარშანდელ 37 სხდომაზე მხოლოდ რაჯუკ დაესწრებოდა?! ან და წლეწანდელს 39 სხდომაზე მხოლოდ რვაჯერ მობრძანდებოდა მეტს არა?!. რა მოცლა ჰქონებოდა, რასაკვირველია, მობრძანდებოდა.


ახლა მოვისმინოთ გამგეობის წევრთა ის აბლაკატური „რეჩი“, რომელშიაც ივინი სენაკში სკოლის მოწაფეთა რიცხვის შემცირებას ხსნიან. გამგეობის მდივანი ბ-ნი კარიჭაშვილი აი რას ამბობს ამის შესახებ: „სენაკის სკოლას აზრათა აქვს მოსწავლეთა მომზადება ღმინაზიისთვის. შეძლებულ თავდაზნაურებს შეილები პირდაპირ ღმინაზიაში მიჰყავთ. შეუძლებელი თავდაზნაურები კი ვერ ბედავენ შეილების ღმინაზიისთვის მომზადებას, რადგან, შეუძლებლობის გამო, მათ არ შეუძლიათ შეილებს სწავლა გააგრძელებინონ ღმინაზიაში. ეს, სხვათა შორის იქიდანაც ჩანს, რომ სენაკის სკოლაში სწავლა-დათავრებულთაგან ძალიან ცოტანი მიდიან ქუთაისის სათავად-აზნაურო სკოლაშიაც კი, სადაც გამოუცდელათ იღებენ და სადაც უფრო იაფათ უჯდებათ სწავლა. წინათ სენაკის სკოლას ეტანებოდნენ ქართული ენისთვის, ახლა მშობლის თვალში ამ სკოლას აღარც ეს უპირატესობა აქვს, რადგან სამრევლო სკოლებში ასწავლიან ქართულს. თვით სენაკში სათავად-აზნაურო სკოლის გარდა არსებობს ორი სასწავლებელი — სამინისტრო და სამრევლო, სადაც ქართულსაც ას-

წავლიან. ასე რომ ამ დაბის მოსწავლენი სამინისტროლაში იფანტებიან... ყველა ამ მიზეზის გამო ადგილი ასახსნელია, რატომ არიან შედარებით ცოტანი სენაკის სკოლის მოსწავლენი.“ („ივერია“ № 121.) თუ კარიჭაშვილს გაუგია მიზეზი სენაკის სკოლაში მოწაფეთა რიცხვის სიმცირისა, ბ-ნი ცხვედაძეს, თავმჯდომარის ამხანაგს, ეს მიზეზები არ ცოდნია და ამბობს: „სენაკის სკოლაში გამოძიება სწარმოებს და ეს გამოძიება აგეიხსნის მაგ მოვლენის მიზეზსაცო.“ ჩვენ მიტომ მოვიყვანეთ ამ ორატორებთა „რეჩები“. რომ ნათლათ დაეინახათ გამგეობის ლოლიკური და „გონიერული პედაგოგიური მსჯელობანი“. ცხვედაძე ამბობს: —მიზეზები არ ვიცითო, კარიჭაშვილი ამბობს: ძალიან კარგათ ვიცითო, ეს ის არისო, რომ პირველ და მეორე განყოფილებიდან მოსწავლენი გადიანო. დაბა სენაკში კიდევ ორი სასწავლებელია, სადაც ქართულს ასწავლიან და ჩვენ სკოლას კონკურენციას უწევნო. 1) ილია ჭავჭავაძე ამბობს: სენაკის სკოლა ღმინაზიისათვის ამზადებს ბავშვებსო. კარიჭაშვილი ლაღადებს: სენაკის სკოლიდან არა თუ ღმინაზიაში სათავად-აზნაურო ქუთაისის სკოლაშიაც არ მიდიანო... მოდით ახლა და თქვენ გაიგეთ აქ საქმე. ერთის აზრი მეორისას ეწინააღმდეგება, მეორისა მესამისას და ამ უკანასკნელის კი დანარჩენ ორისას. აი, ლოლიკაც ეს არის! აი, გამგეობაც ამას ჰქვია! მარა ამ გამგეობისათვის რომ „უგამგეობა“ დაერქმიათ, სწორეთ სწორი სახელი იქნებოდა.

ბევრი ბაასი გამოიწვია ნ. ჟორდანიას კითხვამ, თუ რა მიზეზით გადაიყვანეს სამი მასწავლებელი სენაკის სკოლისა სხვა და სხვა სასწავლებელშიო — ამბობს „ივერის“ მენაგარიშე 2), საინტერესო იყო ამ

1) ჩვენ ვიცით, რომ დ. ძველ სენაკში სათავად-აზნაურო სკოლის გარდა მხოლოდ ერთი სასწავლებელია — სამინისტრო, სადაც ქართულ ენას ან ასწავლიან. სამრევლო სკოლა იქ არ არის. ეს ბ-ნი კარიჭაშვილის თანატაზიის ნაყოფია. პ. ბ.

2) ეს უსასქლო „ივერელი“ ძალიან გაუბრაზებია ნ. ჟორდანიას წინადადებას. ყოველ მის შუკამში გამოკრთის კბილ მომტყეუელი იტანია. თავის ანგარიშში ერთი იგავიც კი ჩაურთავს, რომელიც მას მეტის მეტათ ასახათეს. ამ გვარ მანგარმეს რაღა აბიექტივური ანგარიში უნდა მოვთხოვოთ! რასაკვირველი ამ გვარ ანგარიშში ბეჭედი გამოტოვებული იქნება ისეთი, რაც ამ „ივერელის“ ბომონს ან მოსწონი სიტყვა უთხრეს. ეს ცხადათ ჩანს: მხოლოდ მთელი ანგარიში გამგეობის წევრების და თავმჯდომარის „რეჩებისა“ აქვს მოგვანილი. ანა მგონია, რომ სხვები იქ მუხუბი ყოფილიყვნ!



ბაასის ვადმოცემა, „ივერიის“ უსახელოე! მარა ამ ბაასში შენი და შენი ბატონებისათვის არაფერი მოსაწონი იქნებოდა, მიტომ აკიხევიათ განზე... აკერ რამდენი ხანია საზოგადოება თხოულობს გამგეობისაკან: დაგვისახელეთ მიხეზები მასწავლებელთა გადაყვანისა, დაგვისახელეთ ის შეცდომანი მასწავლებლებისა, რისთვისაც იგინი დასაჯეთო. ამას თხოულობს საზოგადოება ბეჭდითი სიტყვით, მარა არა და არა. დამსაჯველთაკან ამ გვარი პასუხი მოისმის: ეს თქვენი საქმე არ არის, ეს ჩვენი საქმეო. ბოლონდელ საზოგადო კრებაზე ბ-ნ თავმჯდომარესაც ასე უბრძანებია: „ჩვენი აზრით საქმის სიკეთე მოითხოვდა, რომ სამი მასწავლებელი გადაგვეყვანა და ამიტომ გადავიყვანეთო, ამ შემთხვევაში გამგეობა სარგებლობდა თავის უფლებებით და არაფერს აქვს ნება (his) მოსთხოვოს მას პასუხი იმის შესახებ, თუ რათ ვისარგებლეთ ამ უფლებითო.“ როდესაც კამისია უხსენებიათ, მას ასე უბრძანებია: „კრებას არა აქვს უფლება დანიშნოს კამისია იმის გამოსარკვევად, თუ რა მოსაზრებით ხელმძღვანელობდა გამგეობა, როდესაც თავის უფლების და მოვალეობის ფარგალში მოქმედებდა. თქვენ შეგიძლიანთ მხოლოდ შეამოწმოთ, ნამდვილათ მომხდარა ის, რაც ანგარიშშია მოხსენებული, თუ არა. ხოლო თუ ნამდვილად მომხდარა და ეს მომხდარი გამგეობას ჩაუდენია თავის უფლების ფარგალში, მაშინ საზოგადო კრებას არაფერი რჩება იმის მეტი, რომ სახეში მიიღოს იგრო („ივერია“ № 122).“ ე. ი. კრებას აი რა უფლება ჰქონებია: მან უნდა ჩაიხედოს ანგარიშში და შიგ რასაც ნახავს, იმის შესახებ უნდა იკითხოს: ეს ასე არის, თუ არაო. ანგარიშში სწერია; მასწავლებლები გადავიყვანეთო. თ. ი. ჭავჭავაძის „გონიერულ პედაგოგიურ“ აზრით კრებას აქვს მხოლოდ უფლება იკითხოს: მართლა გადაიყვანეს მასწავლებლები თუ არაო. აი, კრებაში თურმე ეს უნდა შეამოწმოს, მეტი არაფერი! ამას რა დიდი შემოწმება უნდა, თქვენო ბრწყინვალეებო, განა საზოგადოებამ არ იცის, რომ მასწავლებლები გადაიყვანეთ? იცის და მიტომ გვეკითხებათ, რატომ გადაიყვანეთ, რა დააშავესო. გესმით, ბატონო! რა დააშავესო, ამის ვაგება სურთ. სურთ გაიგონ მასწავლებლები მართლა დასჯის ღირსი იყვენ და სენაკის გმირი ადგილზევე დატეოვებდის? გვეკითხებიათ უქვეშევრდომელსათ: გვაცნობეთ მასწავლებელთა დანაშაულობა და ყიფიანის უდანაშაულობაო. თქვენ კი აზრობთ: ამის კითხვის უფლება არ გაქეთო. ვებდავ შეგვეკითხოთ: აბა რის უფლება გვაქვს? რატომ არ იძლევათ პასუხს, დარწმუნებული ვართ: პასუხს ისე არ გავეცვოდით, სინათლეს ისე არ დავმალებოდით, რომ „რადაცა“ არ იყოს. რატომ შიშობს ქუთაისში კომი-

ტეტი და თფილისში გამგეობა სენაკის ისტორიის გამოკვეყნებას? ცხადია აქ ძალის თავი არის დამარხული და ზედ კალთას აფარებენ. ეინ იცის, იქნება მასწავლებლები არიან დამნაშაენი. აკი უბრძანებია თ. ი. ჭავჭავაძეს: ამხანაგები არ დამეთანხმენ, თვარა ის მასწავლებლები უნდა დამეთხოვა სამსახურიდან ისეთი წერილი გამოგზავნეს გამგეობაშიო. ეინ იცის, იქნება ის წერილი მართლა ისეთია, რომ მათი დამწერი დასახრჩობი ხალხია. აცნობონ საზოგადოებას ეს წერილი. რას უყურებენ! მარა, დარწმუნებული ვართ, ეს მხოლოდ სიტყვებია და მეტი არაფერი. 1)

კ. გოგოლაძე.

ო ლ ო ნ დ ა ც!

(პატარა ამბავი)

შემდეგი *

II

თფილისის ერთ მიყრუებულ ქუჩაზე და ბინძურ ეზოში, სხვათა შორის, ერთი პატარა ორთეალო სახლიცა დგას. დაჩაგრულ კაცოვით ამოჰფარებია ეს სახლი მის წინ აგებულ უზარ-მაზარ შენობას და საცოდავით მოკრუნჩხული ბოსელს უფრო ჰგავს, ვიდრე ადამიანთა საცხოვრებელ ბინას. წინ ამ სახლებს პატარა, აფურის იატაკიანი, მოაჯირი აქვს მოდებული და უამისოთაც დაღერემილი, მეტათ ჩაბნელებულია. მზე ათასში ერთხელ თუ მიადგება ხოლმე და ისიც ძალიან ცოტა ხნით, .. ყარს მთელი ეზო, მაგრამ ამისი ჯგერი არ აწუხებთ სახლის პატრონებს. თითონ ქუჩიდან აქეთ შესავალი, რომლის ლამაზ კარებზედაც თუნუქის გაპრიალებული ფიცარია მიკრული, სახლის პატრონის სახელისა და გვარის ზედ-წარწერით. იქნება ისე გავიდეს ხოლმე კვირები და ხშირათ თვეებიცა, რომ ეზოში ერთხელაც არ გადაიხედონ დეასახლისმა და მისმა ლამაზმა ქალიშვილებმა. მხოლოდ მოხუცი ავეტიქა თვეში

1) ერთი საინტერესო ამბავიც გავაგებებინა ამ კრებაში. ბ-ნ ცხველაძეს უთქვამს: პათოში სკოლის კომიტეტი იყო წინააღმდეგი ბიბლიოთეკისა: ეს სმები იყო პათომის საზოგადოებაში და მართალი სმები ყოფილა. საჭიროა ამ-სე სმე გავგვეს ამ კომიტეტმა: მართალია ეს თუ ტყუილი? და თუ დეჰილით გვიპაუხსებენ, ეს იმის ნიშანი იქნება, რომ ბიბლიოთეკა მართლაც არ ნდომებიათ. მასდას!

*) ის. „გაგა“ № 24

ერთხელ (და თუ სახლის ქირა დაუგვიანეს თითქმის ყოველ-დღე) შემოვა ხოლმე ამ ეზოში, პარდაპირ გასწევს მდგმურისაკენ და ფულსა თხოვს. მეტი არა იცის რა. მართალია მყრალი სუნი კი ეცემა ხოლმე ცხვირში, მაგრამ აგრე რივათ ყურს არ იბერტყავს, ვინაიდან ანტიქა სირაჯხანაში გახლავთ გაზრდილი და ვინ იცის რამდენჯერ ძინებია ავლაბრის მყრალ დუქნებში, მყრალი რუმბების გვერდით და განა ამისთანა კაცს გაუკვირდება რამე? გარდა ამისა ფულებს ხომ იღებს მდგმურებისაგან და სხვა კი რა უნდა მოეთხოვოს ანტიქა მინაიზს!....

ნაშუადღეის სამი საათი იქმნებოდა, როდესაც ჩვენგან დასახლებულ პატარა სახლის მოაჯირს ერთი ახალგაზრდა მანდილოსანი გადმოეყუდა და ნალელიანათ ჭისკარისკენ ყურება დაიწყო. მალე მის გვერდით ორი ბავში აიტუზა და დედის კაბის კალთებზე მოეკიდა.

— დედა! დედილო! ჰმ... ჰმ... სლუკუნებდენ ბავშვები

დაღონებულ-დაძმარებული დედა დიდხანს ყურადღებას არ აქცევდა ბავშვებს, მაგრამ საქმე რომ გაუჭირვებს მეტი ღონე აღარ იყო, ხმა უნდა გაეცა.

— რა გინდათ გენაცვალოთ დედა! აღერსიანათ შეეკითხა შეილებსა.

— პური გვშიან, გვაჭამე! ერთ-ხმით წამოიძახეს ბავშვებმა.

— იქნება მართლა! უი, ის საძაგელი ჩიტი, დახე როგორ მოუტყუებიათ! აი, აი, აი! ღმილით გაეხუმრა დედა და რომ ცოტა კიდევ შეეოკებინა ეითომ და გაკვირვებით დაუწყო ბავშვებს ცქერა.

ბავშვებიც განცვიფრდნენ და ერთ-ხანს გაჩუმდნენ. გულ-დათუთქული დედა-კი ისევ ფიქრებში გაება.

— დედილო!... კიდევ დაიზუტუნა უნცროსმა ბავშვმა.

— დედა! ბანი მისცა მეორეპაღ.

— ბნედა და სიკედილი! რა მოგივიდათ! გაჯაერებით წამოიძახა დედამ და თვალზე სიმწარის ცრემლი მოადგა. ქეთოს სრულიადაც არ უნდოდა ბავშვების დაწყველა, მაგრამ შავი ფიქრებისაგან გულზე მოწოლილი ბოღმა წყევლით მოიოხა. ბავშვებმა შუბლ-ქვეშიდან შეხედეს დედას და კვლავ ხმა დაბლა გაუმეორეს:

— პური გვშია! ჩვენი დედილო არა ხარ, რა არის ახლა რომ გვაჭამო!

— აკი, ვამბობ, გენაცვალოთ დედა, ჩიტმა მითხრა მეტქე, რომ არ შიანთო. მართალია? მოუტკბილა ხმას ქეთომ და მწარეთ ამოიოხრა.

— არა, დედა არ მომიკვდეს, მშია! ამოიგმინა უნცროსმა.

— მეცა მშია დედა, ღმერთმანი. კვერია უფროსმაღ.

— აკი გეუბნებით ფიცლი ნუ იცით მეტქე თქვე საძაგლებო. სიტყვა ბანზე აუგლო დედამ შეილებს.

— ეი, თუ კი გვშია რა! ერთხმით წამოიძახეს ბავშვებმა და უარესათ მოებლაუქენ კალთებზე და თანაც განუწყვეტლივ შესძახოდნენ.

— დედა. დედილო, დედა... ჰმ... ჰმ...

ტყეილათ ცდილობდა საბრალო დედა ბავშვების რამენირათ გართობას. ბევრგვარი ხერხიც მოიგონა, მაგრამ მშიერ ბავშვებზე ვერაფერი გააწყო.

— უი, მოგიკვდეთ თქვენ დედა, მაშ, გშიათ, გშიათ!? ათი ათასჯერ ეკითხებოდა დედა და თან მოუთმენლათ გზისკენ გაიყურებოდა. ბოლოს თითქოს რაღაც მოაგონდაო, მწარეთ ჩაიკინა, ბავშვებს მიეაღერსა და უკანასკნელ ხერხსაც მიჰმართა.


— პურს როგორ არ გაჭმევთ, აბა, მაგის გულისათვის როგორა სლუკუნებთ—საგრძნობელი კილოთი დაიწყო ქეთომ, მაგრამ მამას არ უნდა მოეუტადოთ? აი, გრგლა უყურე ამ მოაჯირსა, როცა მზე ამ ადგილას არ წამოდგება (ქეთომ ბრჩხილით გახაზა), სწორეთ მაშინ მოვა მამა თქვენი და სუფრასაც გავშლით.

— დილილმე! ერთხმით წამოიძახეს ბავშვებმა და დანიშნულ ადგილას თვალი აღარ მოაშორეს. დედა კი შებრუნდა ოთახში, დააღუპით მწარე ცრემლები გადმოჰყარა თვალთაგან და ნალელიანათ წარმოთქვა.

— ოხ, გენო, გენო, ვიწვი ამ ბავშვების ცოდვით, თორემ მე ჯანიც გამეარდნიაო.

მკითხველი მიხედებოდა, რომ ეს ქალი გენოს ცოლი უნდა ყოფილიყო, ხოლო ბავშვები—მისი შვილები. დიახ, გენო სულ ემაწვილი კაცი იყო, მაგრამ მალე დაცოლვილდა და მით უფრო გაჭირვებაში ჩავარდა. და მერე როგორ გაჭირვებაში? უკანასკნელ ხანებში ასე შეეკრა ფულის საშოვარის გზა და კვალი, რომ მშრალ პურსაც ვეღარ უიღულობდა ბავშვების გამოსაკვებათ და ხშირათ მთელი დღეობით უსადილონი ისხდნენ ხოლმე... ამ დღესაც როდესაც გენო კვლავ გაემართა ადგილის საშოვნელათ, სახლში ერთი გროშიც არ დაუტოვებია. რაც პური ჰქონდა ქეთოს დილითვე შეაჭამა ბავშვებს და თითონაც მშიერი, გულგადაღეული მოელოდა გენოს. ხოლო ბავშვებს დილას აქეთა ატყუებდა და ტკბილი სიტყვებით ათათბირებდა

მზემ წამოიწია და გახაზულ ადგილს მოუახლოვდა. ბავშვებმა სიხარულით ხტუნა დაიწყეს და დედასთან შეცვივდნენ. გულ-ამომჯდარმა დედამ აღარ



იცოდა, რა მოეგონებინა და ის-ის იყო ბავშვებზე უარესათ თითონვე ატირდებოდა, მაგრამ ამ დროს გენოც ეზოში შემოვიდა.

სიარულისაგან დაღალულს ოფლი წურ-წურით ჩამოსდიოდა, სახე დაღაროდა და გაფითრებულს მოაკვდავის ფერი დადებოდა.

— რა ქენი, კაცო? სახლში შესვლისათნავე მიაძახა ცოლმა, თუმცა კი მის თვალეზში ყველაფერი ნათლათ ამოიკითხა.

— არაფერი, ჩემო კარგო... განა არ იცი, რასაც ვიზამდი. ყრუთ უპასუხა გენომ და მისკენ გაქანებულ ბავშვებს მიუაღერსა.

— მოხვედი, მამილო... ატიკტიკდენ პატარები. დედამ უშენოთ პური როდი გვაქამაა! ისეთი კი მშია, ისეთი, რომა... აღარ ისვენებდა გივლა.

— მართლა, მიდი ერთი ფურნეში პური გამოართვი. თავ-პირი მომაქამეს ამ საძაგლებმა, აქამდის რის ვაი-ვაგლანით დავიოკე, ე დედამკვდრები. გაუბედავთ უთხრა ქეთომ და ქმრის გასამხნეველათ დაუმატა.

— არა უშავსრა, ღმერთი მოწყალეა. იქნება როგორმე გამოკეთდეს ჩენი საქმე.

— ღმერთი, ზომ ღმერთია, ჩემო კეთილო, მაგრამ გაავხნევებულ ხალხს კი ყველაფერი დაეწყებია—ნაღვლიანი კილოთი ჩამოართვა სიტყვა გენომ და ამოაზვრით განაგრძო.

— ეჰ, ღარიბი კაცის ცხოვრება მართოდენ დამცირებაა!

— ოღონდაც! თავის და უნებურათ წამოიძახა ქეთომ და თითქოს თავისსავე სულ-მოკლეობისა შერცხვია, სანდომიანათ გაიღიმა და გენოს კიდევ თხოვნა გაუმეორა.

გენომ ფრთხილათ ჩამოსხა თავის მუხლებზე შემსნდარი ბავშვები, ერთი მწარეთ ამოიოხრა და ფურნისკენ გასწია.

ფურნე შორს არ იყო, მაგრამ თითქმის ერთი თვე იქმნებოდა, რაც გენო ნისიათ ხარჯავდა პურს და ახლაც რომ უფულოთ მიდიოდა, ფეხები უკან რჩებოდა. როდის, როდის მივიდა მეფურნესთან და უთხრა.

— თომა, აბა, სამი გირვანქა პური კიდევ მომეცი, შენი ჭირიმე... მაპატიე, გეთაყვა, რომ ამდენი ხანია ნისიათ მიმაქვს. ღმერთმა ხომ იცის, მე შენ ფულებს არ შევქამ. ეს ხომ უსვინდისობა იქნება... გაუბედავთ უთხრა გენომ მეფურნეს და თვალი ვერ გაუშტერა. თომა—მეფურნე ზღაზვნით წამოდგა, აუწონა სამი გირვანქა პური, გადმოუღვა და ზგაზე და თან დაატანა.

— თუ არ შექამ, ხომ კარგი, თუ არა და... ჩაყლაპა სიტყვები თომამ და წარბ შეკვრით შეხვდა.

ლახვარივით მოხვდა გენოს ეს სიტყვები გულში და მწარეთ ამოიოხრა.

— აბა, რათ უნდა მაგას შენი სინდისი, შენი პატიოსნება... შენ ფულები, ფულები მიეცი! წაილულულდა გენომ და ბარბაცით ახლა მეწვრილმანის ღუქანში შეუხვია.

— შენი ჭირიმე, არტემ, გირვანქა ნახევარი ძე-

ხე და ერთი პაჭკა თუთუნი მომეცი. ღმერთმა ხომ იცის, მე შენ ფულებს არ შევქამ... მალე გადაგიბდი. ბუტბუტებდა გენო. გაზვიარებულ სიტყვებს.

— ე ხომ მალე... მალეა, მაგრამ უზურში ერთი ეს ვიკითხოთ, როდის იქნება ეს „მალე“ ჰა, გენო! კი არა გეწყინოს რა, შენა სულის ჭირიმე. მე ისე მოგახსენებ, უთხრა მეწვრილმანემაც, მაგრამ გენომ კარკათ იგრძნო, რომ „ისე“ არას მოახსენებდა და სულ გული მოუყვდა. ან კი რალა ეთქმოდა? უსიტყვეთ დაავლო ხელი ნაფაჭრს და გაწითლებულმა სახლს მიაშურა.

— რა ექნა, საღ წაეიდე, ვის მიემართო? ან კი სირცხვილი არ არის ჯანსაღმა კაცმა მათხოვრობა დაეწყო? ეკითხებოდა გენო თავის თავს და თან სიმწარის ღიმილი სახეზე არა შორდებოდა.

— მაგრამ ან კი ვინ დააჯერებს, რომ ასე გაჭირვებული ვარ. როგორ დააჯერებ ჩვენ ინტილიგენტებს, რომ სხვის ხელ ფეხებათ ვართ გადაქცეული და ძალა უნებურათ, მართო ლეკმა პურისათვის, ყველა დამცირება უნდა ვიცისროთ. თომა... არტემ... მიკირტუმ... ალია და მუსია ყველა, ყველა შენი დამამცირებელია! რათა, რისთვის? ხა, ხა, ხა! გაღიხარხარა გენომ, და თითონვე უპასუხა თავის თავს.

— ამიტომ რომ... საზაზლარი ლითონი გაბატონდა და ცხოვრებაში იდეალისტობას ბაზარი აღარა აქვს... ხომ აგრეა, ჩემო ძვირფასო მეუღლე—კარის კარაპანიდანვე შესძახა ცოლს, და ნაფაჭრი ტახტზე გადაისროლა.

— რა მოგივიდა, კაცო?! გაკვირვებით გამოსძახა ცოლმა?

— ის მომივიდა, რომ ყველანი მატყუარა, მხდალი, მშაშარა, ეგოისტები და გაუტანლები ვართ. უსიცოცხლოთ, მლიქენელობაში ვატარებთ წუთისო ფელს და ერთხელაც არ ვეკითხებით ჩვენ თავს, რათ იტანჯება ცხრა მეთედი კაცობრიობისა, როდესაც ბუნება და მისი სიმდიდრე ყველასათვის არის შექმნილი. რათ ვიზრდებით მაიმუნებათ, როდესაც ადამიანები უნდა ვიყვეთ.

— ოჰო, ჩემო კეთილო, ძალიან დაამლაშე? ღიმილით შენიშნა ქეთომ.

— დავამლაშე? ნუ თუ?... შუბლიდან ოფლის მოწმენდით გამოელაპარაკა გენო და მცირედენ სიჩუმეს შემდეგ დაუმატა...

— შეიძლება დავამლაშე კიდევ, მაგრამ უმრავლესობა რომ ანგარიშ მიუცემლათ აღონღიანებს თავის სიცოცხლეს, ამაში კი ექვი არა მაქვს.

— ოღონდაც! ჩემო გენო. მაგრამ...

— მაგრამ... დრო არის, დრო უმრავლესობა ჩაუკვირდეს თავის მდგომარეობას და კარგათ... კარკათ დაფიქრდეს... სიტყვა ჩამოართვა გენომ თავის ცოლს და სამარესავით დაღუმა.

გაჭირვებას ორ გვარი ზე-გაეღვნა აქვს ადამიანზე. ზოგს სულ მთლათ ანადგურებს, მხეცათ ხდის, ზოგს კი გულის ხმაში აგდებს და აუიქრებს. გენოზე მეორე გვარი გაეღვნა იქონია და ერთი ორი

თვის უუმწვერვალესმა გაჭირებამ, ხოლო წინა დრო-
ის სიღარიბემ სულ მთლათ ააფორიაქა გენოს გუ-
ლისტქმა და ათას გვარი საჭირ-ბოროტო საკითხი
დაებადა. საკეთილ-აზროვნით მოიმართა მისი გო-
ნება და გულიც იმდენათ შეწვედა, რომ რაიმე გა-
დაწყვეტილ მიმართულებას დადგამოდა. მაგრამ
ჯერ კი ვერ დალაგებულყო და ძველ რწმენა-შეგ-
დულებას, ბევრობითვე შეთვისებულ ჩვეულებას - სა-
სტიკი ბრძოლა გაემართათ მის არსებაში...

— მოდი, რაღა, მამილო, პური არა გზია?

მოუთმენლათ ახმაურდა გიგლა, როდესაც ქე-
თომ სუფრა გაშალა და შეიღებს ძეხვის ნაჭრები
დაურიგა.

— მოვალ, შეილო, მოვალ. უპასუხა გენომ
და ქეთოს გვერდით მოუჯდა... ერთხანს ხმაამოუ-
ღებლივ ჭამდნ ცოლ-ქმარი ნანისიავებ საქმელს.
ცეცხლათაც ეჩვენებოდათ ორივეს თითოეული ლუ-
კმა, მაგრამ ერთმანეთის გასაძნევებლათ ძალა, უნე-
ბურათ, ილიმებოდნ, თუმცა კი გენოს თითოეული
ლუკმის ჩაღებაზე ხან თომა მეთურნე მოაგონებო-
და ხოლმე და ხან არტემა მეწვრილმანე. მარტო
ბავშვები ცმუკადენ და უღარდელათ ილუკებოდნ.

ღმერთმა შეარგოს ალალ კაცს საქმელიცა და
სასმელიც, თუნდა იგი უკმენტაგან დაყვედრებულიც
იყოს, მაგრამ ურიგო არ იქმნება ახლა კი ცოტა
დაახლოვებით გაეცნოთ გენოს და ქეთოს ვინაობა
— სადაურობა.

(შემდეგი იქნება).

სოფ. აკეთის წიგნთსაცავის შესახებ.

აკეთის წიგნთსაცავის ბატონ-პატრონი, რაღაც მო-
საზრებით მე მამბრალებს წიგნთ საცავის უკან დახვეას
და თვითონ კი წყლიდან მშრალათ გამოდის (იხ. „ივე-
რია“ № 93). ის ამბობს ერთომ მე საზოგადო კრებისმიერ
მონდობილი მქონოდეს წიგნთსაცავის მოვლა-პატრო-
ნობა. ასეთი გარდაწყვეტილება საზოგადო კრებისა არა-
ოდეს არ ყოფილა. ან როგორ იქნებოდა გარდაწყ-
ვეტილება, როცა საზოგადო კრება არ მომხდარა.
ეს კი მართალია, რომ მე, როგორც მასწავლებელი,
ვალდებულათ ვთვლიდი ჩემ თავს ბიბლიოთეკას
დაეხმარებოდი და მართლაც შეძლებისდაგვარათ
ეშრომობდი წიგნთ-საცავში, რამდენათაც თავისუფა-
ლი დრო ნებას მაძლევდა. მაშინდელი ანგარიშებიც
გამოცხადებულია ქართულ გაზეთებში, თუ რამდენი
წიგნი გაქონდათ წიგნთსაცავიდან იმ დროებში, რო-
ცა წიგნთსაცავი სკოლის ეზოში იყო.

მერე კი, როცა ბიბლიოთეკა ბ. გამგემ თავი-
სი განკარგულებით კანცელიარიასა და ლუქნებ შუა
ჩაასკუპა, მე ა არ შემეძლო ძველებურათ ყური მე-
გდო წიგნთ-საცავისათვის, განსაკუთრებით ზამთრო-
ბით, რადგან სკოლას დაშორა იგი და შიგაც ცე-
ცხლს არ ანთებდა, რის გამო წიგნებსაც ობი მოე-
კიდა. ბ. გამგე ბრძანებს: წიგნთსაცავამდის აღმართი
იყო და მისგლა მიჭირდაო, ეს ვერაფერი საბუთია
თავის გასამართლებლათ. ბ. გამგეს სასახლიდან ლუ-
ქნებამდის გაცილებით მეტი აღმართი და უსწორო-

მასწორო გზაა, ვინემ სკოლამდის და თუ კი ლუქნებ
ში სიარული ეადვილება ბ. გამგეს, რისთვის, სკო-
ლამდის უძნელდებოდა მისგლა. თუმცა ძველებურათ
ვერ ეხმარებოდი წიგნთსაცავს, მას შემდეგ, რაც ის
ლუქნებს და კანცელიარიას დაუმეგობრეს, მაგრამ გულ-
შემატყვიერობა მისი ყოველთვის მქონდა. მაკალითათ:
წიგნთსაცავის მიზეზით უფრო იყო, რომ აკეთიდან
ლანჩხუთამდის ფოსტის წამლებ-წამომღები კაცი და-
ვიქირავე, რომელსაც წიგნთსაცავისათვის კვირაში
ორჯერ ჟურნალ-გაზეთები დაქონდა. წარმოდგენე-
ბსაც ემართავდით წიგნთსაცავის სასარგებლოთ და სხ.
რაც შეეხება წიგნების დაკარგვას, მართლაც დაკარ-
გა რამდენიმე წიგნი, მაგრამ ათი იმდენი დაიკარგე-
ბოდა, ჩემ მოწაფეებს რომ არ ჰქონოდათ ჩემგან და-
ვალებული წიგნებს შეგროვება.

მასწავლებელი ა. გუგუშვილი.

წერილი რედაქციის მიმართ.

თქვენ ჰატივცემულ ჟურნალის მ-20-ც ნომერ-
ში დასტამულია დ. მალაიდან კორესპონდენცია, რომ-
ელშიაც უცნობი ავტორი მექი ნატაშვილი ცუდის მს-
რევ ახსიათებს ადგილობრივ ინტელიგენტთა და ახა
ინტელიგენტთა გუნდს, აწებს მას სრულ გულგრილო-
ბას ახლათ დასსკუბულ წიგნთ საცავ სამკითხველსადმი
და სსკ. ზოგიერთმა მოსკელებმა, ამ წერილის წაკითხვის
შემდეგ, პიკადშიჩ ჩემზე გამოილაშქრეს, კორესპონდენ-
ციის ავტორი ბე მთვლიან და ვინ მთვლის, წამდენ
უწმაწურ ხმებს ავრცელებენ ჩემ შესახებ მდაბიო ხალხში.
სიამრფის აღსადგენათ, გთხოვო ქ-ნო რედაქტორო გა-
მოაცხადოთ თქვენ ჰატივცემულ ჟურნალის ერთ ერთ
მასკობელ ნომერში, რომ მოხსენებული კორესპონდენ-
ციის ავტორი პადადის სკოლის მასწავლებელი ვ. ბურ-
ჯანაძე არ არის და თუ შეიძლება ავტორის გვარიც გა-
მოაშკაპავეთ, რომ დაწმუნდეს ადგილობრივ მინოვნიკ-
თა მეთურნი ბ. სალაძე რომ მე ამ საქმეში სრულად
მანთალი ვარ და იგი ბევიდა უსაბუთოთ მღანძღავს და
მაგინებს. ბ. სალაძეს დაეწეება რუსული ანდაზა „Семь-
разь отмырь, одинь разь отрыжь“-ო, ჯერ გაიგოს ვი-
ნაობა საქმისა და მერე იღანძღოს.

აღდადის მასწავლებელი: ვარლამ ბურჯანაძე. 1)

„კვალის“ ფოსტა.

სოფ. კახის საფილქსერო დასის უფროს მუშას სო-
ლომონ იოსავას: ქვემო — ბიის სკოლას ვგზავნება ჯეჯი-
ლი ხობის აუთიაქაში. მასწავლებელმა ჯერ აუთიაქარს
ღ მერე ფოსტას უნდა მიმართოს, თუ ფოსტა არ და-
კმაყოფილებს — აცნობოს რედაქციას ღ რედ. მოთხოვს
ფოსტას.

— ბ. არ. სეჩანაძე. თქვენი ლექსი „ხმა საპყრო-
ბილოდან“ არ დაიბეჭდება.

1) ამით გამოწმებთ, რომ აქ აღნიშნული კორესპო-
დენცია ბ. ვ. ბურჯანაძეს არ ეკუთვნის. ხოლო ავტორის
ვინაობას არ ვაცხადებთ, რადგან ეს წესი არ არის. რედ.

რედაქტორ-გამომცემელი ან. თ.-წერეთლისა.